

413
951
4



門 413
號 351
卷 4

北詩鈔七言古五

天正十五年二月
乾房仙丈郎氏寄贈

陽湖 趙翼 雲崧

借澂堃齋生宿高旻寺次日鑑公同遊金焦遇趙

偉堂縣博及巨超諸僧作詩會又同往甘露寺

出遊無勝地不如閉門坐勝地無良朋不如掉頭過今


日何日樂事并高僧名士同江行金焦相距不五里烟

雨空濛一帆駛正逢詩社建鼓旗同叩禪關脫巾履人

皆林下閒神仙地是江南好山水快哉人地兩清絕意

本不圖緣偶結明朝竹林招隱寺乘興更擬尋曲折人

生得意勿太貪且畱不盡待再探



焦山江上為張世傑與元阿珠元史名阿木董文炳血戰

處事見宋元二史舟行過此補弔以詩

江上峰浮一螺碧啼鳥落花僧寺僻豈知曾閱古烽烟
往往山根見折戟白鷓名船雄排水寨開戎旃萬舸截江
來箭風礮火吼水立蛟鼉駭走不敢迴可憐殺氣乘潮
漲南北戈船互衝盪一貪佐命立奇勲一誓捐軀保危
障功臣忠臣共戰場運興與衰氣同壯終然浩劫入滄
桑縱有素心天不諒烟燄橫空蔽蔽江十萬健兒魚腹
葬我來斜渡一帆風往日兵氛久洗空閒把陳編撫遺
事江山如舊哭英雄山前一片飛濤洶想見當年戰血
紅

齋前寶珠山茶一樹數百年物也萬花艷發其光

絳天邀北溪謙齋蓉湖立菴瑩溪曉東緘齋諸

人賞之賦詩以紀

季倫珊瑚高七尺賈胡貴銜紅刺石天公憐我蕭齋陋
賜以寶珠滿院赤山茶難得千瓣妍况復老榦數百年
吾家獨擅此奇古其根拔地枝摩天胚胎含英隔年結
繭栗春來始綻裂大瓣外張六出奇細瓣中噴一腔熱
不知何物染得成世間無此猩猩血東風一吹千萬朵
高下都開笑口歌熊熊日午光絳天嚇得隣家來救火

火齊木難枉擅名以名嘉樹乃真可此時安得無杯盤
爰邀素心來盡歡家貧不能列歌舞借此聊作紅粧看
便如張鎡畫堂宴妖姿十隊胭脂丹又如三千殿脚女
錦衣袷服明江干尊前忽然大富貴景象一洗儒生酸
斜陽過墻日將夕花光流艷照座客樹老花愈紅人老
頭愈白白頭映紅花頓覺老態失未醉已覺朱顏酡大
得此花增氣色

題周山茨觀察老圃秋容圖

冷艷離離入焦墨不寫春華寫秋色風光偏稱白髭鬢
是我故人幾不識公昔登科最少年吹簫子晉緱山仙

明光奏賦不起草搖筆壓殺才人干遂乘露輞按五管

清風瘴掃蒼梧烟我從詞垣早師事出守又為公屬吏

鎖院秋燈酒共傾

壬午秋同
校京闈

粵江夜雨舟同繫

已丑自端州
隨公至桂林

彈指

俄驚三十春雪鴻往跡不堪論公會出塞悲流徙我亦

歸田作隱淪此時尚說香晚節三尺兒童也笑絕豈知

人各有秋容何必升沉共一轍君不見陶家籬韓相圃

一在巖廊一環堵後先兩個菊主人一樣清芬占千古

公今才望隘九州書法况埒虞褚歐煌煌碑版照四裔

宦雖未達名長留此正暮年著力處不徒占盡老風流

只憐同作揚州客幕府沉沉幾重隔何當攜手菊花天

醉倒落英紛滿席

公方客離
使幕中

題楊斐園研堂長卷

平泉醒酒石忽落他人手。壺中小九華。瞥眼不復有一卷之多。難世守石不能言。乃能走何哉。楊氏清白貽獨以一硯當鼎彝。令子護持築精舍。名流矜賞摘妍詞。五世其昌果奮跡。道是石田田不石。濡毫鶴眼掃犀眉。兄也掇科弟通籍。魏徵牙笏王祥刀。遺澤燾後多賢豪。况茲文房之珍逾拱璧。載得家學傳風騷。香霧黯凝文養豹。黑雲滂起詞騰蛟。會與紗縠巷中魚。膚碧坡穎二老名同高。

題女史駱佩香秋燈課女圖

東坡要兒愚且魯。生女何必求聰明。一分才折一分福。不櫛進士徒虛名。豈知深閨讀書種。也要傳心度針孔。佩香女史絕世才。忍使清芬無接踵。手撫么絃傷寡鵠。巾箱况少遺孤續。一个嬌娃解語花。綺窻親課秋宵讀。梧月蕉風夕館涼。一燈如豆光微綠。風詩誦到栢舟篇。女未知悲娘暗哭。篝火書聲夜漏遲。依稀柳母舊家規。可憐一樣丸熊苦。他課男兒此女兒。

計五官歌

紫稼歌殘薊苑霜

吳梅村集有至
郎曲郎名紫稼

百年曲部黯無光。天公怕斷

烟花種又出人間計五郎計五生來好姿首家近虞山
 黃子久竟體香分景滌蘭纖腰軟入靈和柳天風吹落
 到揚州一日聲名不脛走冠蓋西園夜賞花笙歌北里
 朝酣酒偶然斜睇眼波橫勾盡滿堂魂不守座中耆宿
 也發狂簾內嬋娟自嫌醜無人不愛鄭櫻桃只是有心
 難出口揚州樂府聚風華陳寶陳大寶秦坑郝金寫坑人稱人共誇
 絕調能翻金縷曲丰容雅稱玉鈎斜小垂手博纏頭錦
 初上頭添繫臂紗計郎一出爭相惱歛避都甘作房老
 尹邢豈但怕相逢元白已皆慚壓倒若非占得十分妍
 妬口如何亦稱好乃知一樣眉目清天獨為他陶鑄巧

我來作客十餘年看盡梨園舞袖翩太息選仙空彩格
 老來方遇鄂君船髣髴絲禡茶烟颺腸斷春風擁穢憐

邵松阿落一齒已而落處更生所謂兒齒也走筆

奉賀

憶昔從君少年日利齒剛牙快舖歛舞陽盾畔一羸肩
 不怕生吞口帶血忽忽四十年我老作牛齒曾官打牙
 矧狃鄉竟儕鑿齒唯喏列軟飽惟資張蒼乳柔存幸剩
 商容舌空齧枉想過屠門以咀代嚼味不出羨君頤齶
 尚無恙編貝堅完不兀巖偶焉弱一个畧似童牙齧非
 遭隣女梭豈被邏卒擊尙堪石之漱何妨屐之折胡為

落處又萌生宿草去根起新蘖琴軫方愁雁柱虧堦泥
已塞狗竇缺古稱兒齒信有之新發于硎倍剛烈有如
老將力將竭添以生軍再盪決童子行先尊勝隊孩兒
兵壓飲飛傑問君安得此寧馨英銳獨擅昆刀切定可
陷堅爛似泥寧徒吐慧艷於雪斯乃壽者相專爲老人
健飯設東魯旣並黃髮頰北齊况傳智牙說知君尙有
萬羊未食盡天遣雍齒封侯助饕餮臘堪稱程齧金
決濡應賽來嚼鐵笑我空將饒口張方倚杖鳩祝哽噎
石刻諸葛忠武侯像歌

像爲閣立本畫後有王齊賢摹本張南軒贊朱

考亭書印君鴻結紉於嚙城俞氏見之借摹上石

以廣其傳爰爲作歌

諸葛大名垂宇宙豈須絲把平原繡誰摹遺像入貞珉
墨本新翻唐畫舊卧龍當日出山遲三顧情深始展奇
倉猝扶危敗軍際畢生盡瘁受遺時天心已定三分局
臣力猶勤六出師巾幗姦雄甘不戰髡鉗僚吏泣無私
奪來駢邑人忘怨芟後甘棠地繫思八百株桑傳素節
二千尺柏颯英姿圖形未續雲臺位墮淚還先峴首碑
右相丹青追髯妙手重撫稿頻易南軒作贊考亭書
愛其人者寶其蹟清高旣盡宗臣容題拂兼增大儒筆

印君遇之倍珍惜更做殘縑壽諸石遂使綸巾羽扇人
一身化作千百億我昔南遊細節麾七星關上拜公祠

在貴州畢節縣

宰相威儀儒者氣至今迴憶儼鬚眉老來訪古倦

行脚得此莊嚴供去聲齋閣風貌寧煩粉本臨典型幸獲

辨香托愧無長策效馳驅惟有清襟師澹泊

金二雅繪稷游圖集蘭亭字為序長卷索題戲書

其後

天邊鴻鵠隨家雞集句已被東坡嗤况復割裂巧集字
大方之家應不為豈知此法昉梁代千文韻語今猶垂

李唐御製聖教序亦掇墨寶刊穹碑遂令右軍好手迹

幾遭寸磔無完肌蘭亭真本尤絕筆幸未碎剪翻錦機

金君被飲忽遐想湯燭暫借充饋遺不取其文取其字

一篇別構春游詞破之片片墮地甌貫之縷縷入扣絲

百寶修成滿輪月衆腋聚作無縫衣咄哉文心太狡獪

繭紙幻此一段奇稷游圖邊稷游敘句新字舊觀者疑

何須肱篋缸面酒已似染毫洗墨池地非會稽世非晉

驀然突出王羲之重三從此增故事不數典午永和時

題蔣心餘攜子遊廬山圖為其季子師退孝廉作

我昔遊廬山孤行少伴侶但鏗拄杖聲遙荅鐸鈴語今
朝讀君廬山詩乃知先我架其阻奇才勝境兩相植磁

石吸針鐘應杵山靈不放君空回君亦不肯虛此來胸
 中萬斛泉遂湧欲與石梁瀑布爭喧豗况復鶴鳴有子
 和登高作賦非凡材或疑二兒昇陶令籃輿閒赴近局
 杯不然坡公石鐘泊與邁同步凌崔嵬快哉此遊足干
 古海綿萬頃天為開惜我曩時鞭獨控先後十年成各
 夢若使同看九疊屏也應喚作三遊洞曾聞元白遇夷
 陵文酒流連旬日共事往空思寫木蓮見舊唐書白居易傳道山人
 已騎白鳳天為徐凝藏惡詩不使與君相伯仲一幅生
 綃想故人履綦陳迹淚沾巾慰君幸有斜川集能寫匡
 廬面月真

秦良玉錦袍歌

傳是明莊烈帝所賜其子孫有遷江右者猶世守之師退孝廉為乞詩

卸了羅襦縛袴褶提兵屢赴疆場急戰袍裂盡錦袍存
 猶帶當年淚痕濕召對平臺拜賜時為旌健婦勝鬚眉
 五色繡成宮女線九張機織尙方絲可憐此賜非輕得
 歷歷忠勲九重識奢安軍變定川南遵永城亡趨直北
 世間有此女英雄授以男官總兵職俄驚烽火滿夔巫
 東盪西馳更勦賊撲面塵沙當粉塗滿頭蓬葆臨風櫛
 縱有羅紈豈暇披甲裳血汚淋漓赤百戰山河到夕曛
 茫茫浩劫塞妖氛高牙大纛皆巾幗翻仗創殘娘子軍
 陵谷遷移成一夢廿年心力堪悲痛一丸泥遂閉函關

千樹桃仍罨秦洞老寡寧將瑟再彈故侯自有瓜堪種
此袍猶是舊君恩盟手開緘時一慟什襲收藏付後人
扶南犀杖泣亡陳敢論衲服黃金甲聊返初衣白氎巾
遺笏魏家先世澤傳衣曹洞昔時珍陋他譙國高涼洗
錦繖重誇嶺外巡

綿州刺史劉蔭萱駐藏回蜀遠寄藏佛一尊賦謝
我聞佛有千百億化身本寓言耳乃竟真自從霍去病
收獲休屠神後來明帝夢金人遣使求得四十二章經
釋迦之象偕來賓其始但圖畫笮融特剏裝璜新尔後
遞仿製葫蘆依樣遍八垠琢文石鑄貞珉雕檀櫛范金

銀最賤用土木尤易紛傳薪三家之村一闕市皆有過
去未來現在三世尊其多豈特八萬四千阿育塔直與
恒河同數微沙塵然皆震旦造非從身毒到漆器終推
襄樣髹錦紋須出蜀江漂旄牛徼外烏斯藏傳是耆闍
古靈輿曾出帝師八巴思大寶法王賜嘉號至今已閱
幾輪迴換身猶帶前生竅其俗家家修淨業大乘黃教
小紅教良工善鑄如來容真本臨摹狀維肖不比貫休
畫應真僅向夢中見風貌綿州刺史劉孝威從軍絕域
窮奔馳腦日逐隨月氏梯危絕險二萬里歸途又餉駐
藏師

君從征廓爾喀歸途雷藏

辦糧三年期滿始回蜀

購得一尊遠寄我名以長壽代祝

詞我不知是彌勒。是牟尼。抑或阿難。迦葉及辟支。恰比
 中土黃金面。豐上銳下。差毫釐。惜哉丈六身。縮作三寸
 小。難具三十二相。八十一種好。棘端刻猴地。幾多七滿
 八。平何處。可施巧珠火。眉微分青螺。髻空繚。安得金粟
 影。接寥天。長玉毫光。共素月。皎要是彼中。五嶽真形圖。
 不用滅鼻。開唇。屢易稿。譬如唐家方鎮。雖各有旌節。終
 輸本色。來自長安道。繫余衰朽枯木禪。得此瞻禮。良有
 緣愧無七寶莊嚴。般若座亦少。百花供養。伊蒲筵腰不
 能為膜拜。折詩豈足當梵唄。宣燈傳難助。長明火後渡。
 尚虛大願船。惟有此心清淨。退周妻何肉。早悉蠲。已作
 在家出家。一老衲。蕭齋正可同龕眠。

題黃陶庵手書詩冊

五言律十三首乃崇禎丙子赴試金陵途次之作書於是年九月十六日蓋在報罷

後公至壬午始舉於鄉癸未成進士殉節於乙酉距作詩時僅十年耳齋生郡博購得此冊敬題其後

作詩赴舉時。寫詩落解後。詩不必坡谷。字不必顏柳。遺
 蹟乃獨珍。光壓瓊瑤玖。是時明社將為墟。方赴鹿鳴鄉。
 射耦迨公通籍已。板蕩需次里居歲。乙酉天兵南下。金
 陵降風掃百城。快於帚馬前。叩頭草間活。國破君亡誰
 拒守。公也林下一書生。衣不掩脛袖露肘。回天挽日何
 等事。豈出區區措大手。揭竿市兒無戈矛。釋褐鄉官未
 印綬。無端糾集一旅師。欲飽百萬磨牙口。山河改局。鼇

折柱天地為籠魚在笥正惟成敗百不計足知志定甘
授首嗚呼公已騎箕去故紙殘零亦何有一鱗片甲乃
幸存其字其詩遂不朽摩挲忍污寒具油激賞欲浮大
白酒君不見同時衆名流聲望出公右書推王孟津詩
擅錢蒙叟至今令人笑齒冷斷楮零縑付醬瓿

贈張友棠孝廉

我來揚州把談塵絳紗弟子殊僣僣就中最賞張思曼
七言韻語尤清新君亦傾心自著錄康成門下稱傳薪
講堂散後五六載每一相見情彌親嗚呼近時山長席
鵝湖鹿洞非等倫鄉官聊作祠祿寄諸生藉補館穀貧
此豈有意在學問毋怪別後同路塵君獨不以老耄舍
自因知味其苦辛其思沉密學繁博功力更復老斲輪
組織能成錦五采鍛鍊不惜錘千鈞壘堅牆厚攻不破
開壁一戰摧強鄰眼前突兀真畏友先導吾敢誇梁津
識途馬已智無用掣鞵鷹方氣未馴看君出應著作手
詞壇旗鼓驚千人

題瓊花觀圖長卷

卷長三丈餘多唐
宋以來名人題識

廣陵胭脂氣薰天惱得天花欲如妍一朝飛來蕃釐觀
要與色界爭新鮮三千殿脚萬驍果拚擲江山就花坐
南朝枉自誇瓊枝豔殺羣芳無一朵風流賢守惜花心

更榜無雙白石亭想見蒲城遊女集夜歸齊妬玉娉婷
司花天女偏膽小驚失瑤林一株好急遣巫陽下界尋
收得香魂天未曉從此人間不復見附書難托風箏線
花生花死一千年只當優曇纔一現我來訪古步庭墀
但有丹青一幅遺兔葵燕麥久荒寂樓臺猶仗虛名支
月下瓊環招不得卷中人可崔徽識挑燈題罷露臺寒
一樹冬青夜深黑故址今有冬青一株

題洞庭尉程前川三百首梅花詩本

梅花性孤冷貴少不貴多籬落兩三枝自足供清哦豈
知多更好彌野漫山阿羅浮數十村鄧尉千萬柯遂擅
天下勝遊客紛肩摩咏梅詩亦然繁篇古未有老逋八
章出已占名不朽何哉程前川乃至三百首別開生面
目不落舊窠臼妙想入非非消寒遍九九元珠直遺象
罔搜璞玉竟代卞和剖豈特長康畫三毫自是陳思才
八斗人皆為梅幸遇此知己友相得乃益彰壓倒衆芳
藪我謂梅不幸遭此寫生手巡簷索笑日千迴攝魄追
魂無處走色香神韻不留餘後世更誰敢開口澤竭但
供一時快和寡將冷千秋久由來詩人爭大名必創奇
觀世無偶叩門示我牛腰卷萬丈瑤光溢戶牖我吟一
詩飲一杯竟滿李白三百潑醅酒

顧晴沙選梁溪詩成瘞其舊稿於惠山之麓立碑
亭其上名曰詩塚爲賦七言古一首

晴沙妙選梁溪詩二千餘年盡羅致一將功成萬骨枯
所餘殘稿將焉置既非青史蕉園焚敢托黃冊後湖閉
錦軸慮擊桓元厨銀杯恐化公權筭同志有人出奇策
文塚筆塚可援例遂仿龍山九隴長選得牛眠一弓闕
或笑秦儒將被坑或疑李集欲投厠豈知琢石比柳堅
兼復立亭彷彿瘞遂使此邑千才人詩竟上天魄歸地
雖悲一邱貉不分且喜千腋狐已萃昭陵匿列修稷文
汲郡簡藏編年記多少精靈聚一團有蒸出菌芝瑞

清芬自少荆棘生酸氣并令螻蟻避宿草滋含文露濃
野花開帶心香膩嗚呼才人苦愛名慮到陵谷變遷異
元凱碑付江波沉思肖函從井底墜猛將甘作沙場塵
酒人願化陶家器此舉正合古遺法不怕竊鈎出非意
發印郎識無金銀掘墳賊豈要文字况諸作者非並時
前不預知後徒企賴君作合結同龕不隔去來今三世
有如周秦紀行篇蛾眉一堂集佳麗又如幽燕憫忠寺
馬鬣一坎聚烈義故鬼新鬼紛並肩舊雨今雨欣把臂
月下定有秋墳唱歲除不煩詩草祭九原詞客果有知
此亦吟朋大快事我來經過一憑弔欲喚何人莽無次

但覺蒼蒼宰木邊。常有光芒透山翠。

寄題法梧門祭酒詩龕圖

君蒙古人

杜詩萬里行歐詩三上成。作詩必以龕毋乃。拘心旌豈知渺衆慮。端在巖關局。或仰屋梁臥。或觸醋甕傾。屏除萬籟靜。獵微窮至精。詩龕之築無多楹。虛白一室涵空明。曾無四圍皂羅幃。但有五夜鐵燈檠。想當晏坐吟興發。風簾不捲爐烟輕。眼光直洞重垣透。思路迴裊層霄清。一龕廣不過十笏。已逾五百由旬程。信哉人地兩超絕。毋怪詩律堅長城。聞公家世本沙漠。契苾勳門埒褒鄂。卽今西南戰伐殷。何不奮戈就戎幕。乃耽手筆造鳳樓。遂忘弓刀畫麟閣。緣知風雅味獨深。嗜好與世酸醎各。君不見雲石小海牙。橫絕酸齋作鴈門。薩都刺亦壓蘇天爵。公才十倍此數人。已爆高名動寥廓。惟有湛然居士集。邪律文正公經濟文章胸可拓。好當彌勒結同龕。一瓣心香寄所托。

遊網師園贈主人瞿遠村

市闕難把塵囂隔。何許林扃擅幽僻。主人好客過鄭莊。買得名園集裙屐。買園貴舊不貴新。爲要濃陰綠如帟。惜哉喬柯已伐盡。但有一池枯葑積。乃窮土木妙結構。欲以新景賽古色。小山堆出華子岡。幽壑嵌來到公石。

一重一掩曠奧兼煥館涼亭境屢易若非導僅幾觸柱
倘藏逋客敢搜壁想當意匠經營時多少黃金付一擲
明月清風四萬錢笑他子美真寒乞就中風潭已改濬
數畝中涵百頃碧網師之名尙仍舊定有千石魚策策
紅衣垂釣可作圖青笠擎音便泛宅老夫大發結網想
擬捉銀鱗長一尺

梁製觀世音像歌

王仲瞿孝廉得古銅佛像一軀長身玉立首有
金冠如翠翹衣袂多繡紋極精緻與世所塑釋
迦像螺髻袒胸跏趺坐者不同其底有篆書天
監二祀十有一月中天竺王屈多使竺盧達多

獻西域土物優闡賢王造釋迦真像一摩訶觀
世音像一摩訶 至像一三夫人丁氏進位貴
嬪皇子六通誕彌月皇太子統三周皇帝命顯
陽宮監臣陳舍利臣王寶臣東方迦葉奉造一
佛二菩薩像臣舍利奉皇大統于永福省授太
子統孝經一卷觀世音像一軀臣太子統臣舍
利稽首頓首云云據此則梁武就天竺所貢三
像別勅仿造而所授昭明太子一像則觀世音
也按梁書昭明生於齊中興元年梁武天監元

年立為太子二年昭明恰三歲母弟簡文帝生
小字六通時昭明年幼仍居於內東宮官屬皆
入直永福省以款文証之一一相合其為蕭梁
舊物無疑也爰為作歌

昔得烏斯藏中佛佛土中來敬齋後所嫌鑪鞴新鑄成
尚非象教初來物王君仲瞿其名曇前身當自彌勒龕
購得古觀世音像身被繡緘頭翹簪款鐫天監二年造
昭明太子歲正三年深色黠質未改但是斑駁非縷縠
惜哉王君愛塗飾重與莊嚴失古色添得黃金一百銖
論價翻輸舊時直幸渠色新製自古猶是六朝人手蹟

我思是時釋教興鳩摩羅什佛圖澄譯經演法闡大藏

舉世皈嚮如雲蒸佛前大士尤顯應不比羅漢諸小乘

罪人持咒枷鎖落北齊書盧景裕傳敗將諷唄刀斧停宋書王元謨傳兩足

埋土忽兔脫一隙透穴俄猿騰晉書載記皆觀世音經事是皆耳目所

震耀至今尚誦高王經何況梁皇信佛篤親講華嚴高

座獨持齋戒殺麴為牲祖宗亦不許食肉同泰寺中頻

捨身帝王有價可錢贖奉佛必兼奉菩薩固宜肖此慈

容穆真形圖既出優闐方物貢恰來天竺想當宮監仿

造時比對西來元面目敢同延壽寫照差并非貫休夢

見熟煎金火用歐冶鑪刻像刀切昆吾玉煉出金剛不

壞身不矜一寫而成速勅賜青宮虔供養永為儲君介
景福豈知淨業空精專避災終未入四禪文選樓高但
主器蠟鵝厭勝遽天年後來青絲白馬逼荷荷索蜜更
可憐斯時大士竟安在不來一救禍亂延乃知像設亦
徒爾弗及一紙臺城鳶我獨摩挲為太息重是千年尚
完璧雖非齒紐追蠡鐘也比出泥甃賓鐵豈必有神為
呵護世久自覺堪愛惜來是長安本色旌摹猶定武初
刻石

虎鞦韆歌

鎮安郡舊作
偶檢出錄存

書生出作山郡守不能令虎渡河走德不足感且用威
下令捕之大合圍土民談虎輒色變聞當出獵心膽戰
乃檻羊作籠虎不愛賤畜供更掘地作阱虎別走淺草
徑百金一虎購價高經旬不獲虎益驕向武州人儂阿
玉囊智出奇立兩木下有機轉牙上有鈎掛肉虎來攫
肉必觸機機發鈎繩忽上縮斯時鈎已吞正痛領間鏃
四蹄早懸空一尾徒倒轟英雄遂無用武地哮吼一聲
裂眦哭平明爭作異事傳山中有个虎鞦韆似貫柳魴
鱗懸似帶綠鸚鵡翩得非此乃膳脂虎黑章黃質文編
爛欲學雲裾霞帔仙乎仙只嫌身似環肥吹不動安得
臨風瘦影嬌蹁躑扛來府廷等獻馘太守獎之賞破格

幾同陣獲飛空人已斃毋煩縛太急爾虎向來莫敢攫
不意爲口傷身亦遭厄毋乃許褚癡并少長康黠亟命
打鈎架木廣施設誘入徽纏盡就磔只愁他虎又爲俵
鬼告繩索空懸不上鈎

鎮江觀都天會

神會蓋始鄉人儺黃金四目揚弔戈漢家原廟亦遺制
衣冠月遊長樂坡城陽景王歲一駕用二千石儀衛多
南朝蔣侯更出盪張弓拔白聲驅魔有元帝師泥銀繖
至撥鹵簿爲搗呵流俗相沿遂成習附會神鬼訛傳訛
潤州城東都天會年年四月大報賽七香亭導八擗輿
彩仗前驅一對對金童玉女乘雲輶夾以鏡簫溢闕闈
刀矛浴鐵皆似銀旗幟繡絲不用繪列隊幾長十里餘
糜財不在萬金內但求角勝肯惜費富者破慳貧者貸
不知是何神擅此大富貴或言唐張巡睢陽百戰捍賊
塵保障功在江淮民或言一儒巾夜遇疫鬼散毒氛獨
以一死活萬人究竟未識何者是徒令世眼滋擬議我
思天下祠廟多原可不必一一考姓字大凡人間所祭
神非卽此神來受祭韓擒虎作閻羅王未必至今尙占
閻羅位卽如關壯繆血食遍海滢安得百千萬億身處
處明禋悉親蒞是必有衆神分享牲牢饋可知香火區

有同衙署地。三層殿閣尺五祠。一樣流官屢更替。倘憑
祠額廟號辨。僞真竊恐頂缺冒。名不勝計都天神。來何
途。我不復索稽神樞。但覺不呼能使萬衆集。必其靈爽
能感孚。君不見大官旌麾耀市衢。乃是官募非人趨。

題甘雨應期圖

今歲長夏無雨。田禾將盡。稿費中丞憂之。七月
八日。率僚屬步禱諸神祠。遂連日甘霖大沛。今
屆秋成。豐收倍於往年。蘇守任君命工繪圖。索
余詩紀事。敬題左方。

我不知蒼蒼者天。薄薄者地。至竟於人何關繫。洪範五
行傳所編。毋乃附會非實事。及觀中丞祈雨雨應期。乃
知天人果相契。今年盛夏愆膏澤。桔槔將吸長河竭。可
憐農夫千滴汗。不博田間雨一滴。中丞對此憂心忡。芒
鞋步禱元都宮。當其泥首乞民命。敢謂一念能感通。此
意早達九閭九。作使列缺豐隆百靈走。鞭起癡龍鱗鬣
飛。倒捲太湖噴郊藪。遂令江北江南盡沾渥。捷於調水
之符。噴火酒。從此村岵企脚眠。準備烏烏歌。擊缶蘇州
太守繪作圖。濕雲一幅猶模糊。邀我題詩紀靈異。我親
聞見詞非誣。迴憶欽陽嘆爲厲。家家禱雨聲如沸。民禱
不應公禱應。頗疑天亦太勢利。庸知萬命所繫。岳牧身

國朝詩錄
一方災祥視其人。卽今迴枯起羸瘠。有目共見功通神。
得不羣。頌中丞。作霖手中丞。却復欲然不自有。

楊舍城北登望海樓

暨陽城北皆洪流。尙是江尾已海頭。何人好事欲窮覽。
傍涯築起凌霄樓。我來拾級快登望。六十里沙爲外障。
障外卽是滄波涵。果然一豁心目曠。曾披載籍徵典故。
陰火陽冰莫名狀。橫爲摩竭豎難陀。鼓鬣揚髻動千丈。
幻影樓臺蜃市觀。寶光珠貝龍宮藏。方壺員嶠仙往來。
竒肱飛車不粘浪。書生薄相那遇之。健筆韓蘇枉摩盪。
是時直上懸曦輪。潮氣上逼白日昏。不知是天是水還。
是雲。但覺混沌一色無。區分偶然萬斛舟。如墨一點滓。
入寥廓。微畱痕。欲駕鼉梁渺何際。江湖比作蹄涔細。中。
原水皆地所包。至此始信水包地。不識此水又用何物。
包六合以外。真難議。頗聞近日萑苻萌。連踪結隊紛縱。
橫劫財賈舶畧無忌。漸恐登岸殘村氓。安得三千水犀。
弩鯨鯢戮盡常澄清。

問魴魚

問魴魚爾旣雋。味供人食當使老饕快。舖啜胡爲肌理。
如凝脂。鋒鋌似叢棘。魴生竟作魯宗道。骨鯁令人有難。
色。本謂蘊針莫敢坐。誰料領珠終被摘。饒奴入口費剔。

搔齒舌無功兼手掇滿堂無不賞鮮腴却但畏威弗感
德魚也聞之笑此論非通人名花品不許褻玩美女姿
豈輕橫陳吾生自有味外味正恐鹵莽一嚼不見珍故
教。叅。刺。在。背。稍。齟。齬。欲。令。徐。徐。咬。咀。方。識。真。顧。乃。吹。求
到細故欲去槎枒滑喉嚨知君原是一腐儒只合終朝
喫豆腐

醉蟹

泰州人甕貯甘醴投蟹於中聽其醉死謂之醉蟹味極佳

霜天稻熟郭索行雙螯拗折香珠杭經旬飽啖腹盡果
團尖臍結脂肪盈忽然被擒請入甕方憂炮炙渾身痛
誰知甘醴已滿中送入醉鄉黑甜夢醉鄉豈怕滅頂囚
舖糟啜醢酒池中既非人甕投厠溷何必醢雞膽吳宮
沉酣三日不復醒米汁味已透骨融食單方法有如此
物不受痛人得旨休悲彭越遭醢冤且幸義之以樂死

放歌

我不能引長繩繫住西飛日又不能抽快刀斬斷東流
水徒負昂藏七尺身實只太倉一稊米胡為前望千古
後顧萬年欲作擎天柱地一男子少年鼻息衝雲漢唾
手便思拾青紫果然館閣取次登意謂星辰即曳履忽
焉驅馬出春明兩粵滇黔走萬里從戎又想圖麒麟按
部亦曾冠獬豸序遷不及待歸仍鑽故紙撐腸五千卷

縱目廿二史復將三寸毛錐尖妄擬一柱中流砥統計
生平屢徙業一波未平一波起我觀古人志專壹強吳
者員霸越蠡用盡一生心只了一事耳誰教東馳西騖
多岐塗貪如奪標棄如屣毋怪百能百不能畧嘗之味
鼎染指如今衰老始知悔氣矜之隆病良已非無一言
半語傳世間未必百年後尙掛人齒回恩鄧林棄杖逐
日時枉費奔忙喝不止噫嘻乎生世寧易得人身爲人
寧易通文理可惜黃金擲虛牝錯已鑄成錯到底

紀事

六月下旬

浙東舟山多海澳海賈經由必收權向來清晏少萑藪
近數十年始有盜初但壟斷不澤竭什二抽分盜有道
其渠死後群黨橫劫財殺人日逞暴奸民趨若附火蛾
賊艘遂至數百號一艘百人百艘萬實繁有徒據津要
直從水面別開國竟視估船同轉漕樓船將軍空駐防
水師入海已眩掉伎倆久爲賊所窺嚇以虛聲反被笑
駸駸振柁欲登岨往日孫盧轍將蹈今年六月起趨風
十日不斷聲大嘯颶母鼓浪掀高穹天色晦冥日不耀
半空疑有蛟龍鬪千里但聞神鬼謀可憐賊艘雖習流
至此亦把天妃叫檣傾機摧碎如粉萬命盡入滄波浩
十五巨鼈食不盡飽到鯨鯢也懼跳有得脫者十二三

縛板泗來伏巖嶠不死於水死於刑一一就擒戮諸蠹
從此妖氛當稍寧縱有漏遺已衰耗若非天遣風濤誅
竊恐今秋有閩閩獨念天心方厭亂東南已叨慈廕燾
秦蜀蟻賊肆剽屠西顧亦應垂痛悼豈其能水不能陸
只殺鮫鱐遺豺豹何不使萬陰兵悉殄陸梁靖區隩

紀夢

閔罷邸抄正午倦忽夢遷官戴武弁西陲寇盜紛如麻
杖節專征往靖亂肘懸雙紐黃金印屢插三稜白羽箭
虎旗開道十二街鼙鼓震天五百面行間紀律陣演蛇
馬上驍雄手接雁聲威大振刀槩鳴號令一施旗幟變

出鞘劍氣寒斗星浴鐵甲光明組練巢車望賊最多處
指揮三軍各爭先短兵近接剌作斲巨礮遙轟疾於電
窮追不暇掘竈炊生嚼俘囚當朝膳乞降悉就縻長纓
旅拒誰敢張空卷割賊頭顱祭國殤歛賊屍骸築京觀
鳴張豕突一掃空依舊江山景清晏歸來獻捷絳闕前
免胄千人萬人見形容圖上凌烟閣策券頒來紫宸殿
書生到此真足豪正欲作詩紀酣戰無端栗爆折腳鐺
驚破饒簫大凱宴僮奴恰報煮藥熟來問衰翁可下嚙
曉東內兄素強壯無死法也六月中左掌忽患一

疔醫者但治以解毒散不急拔其根遂蔓延四

布已而腕間潰成一孔膿血涓滴不斷馴致滿
身氣血盡從此流盡而歿嗚呼事之類此者多
矣爰再作詩哭之

目識一丁掌邊伏焦釜漏舟救宜速庸醫惟恐痛剝膚
但劑清涼期解毒豈知杯水滴車薪翻致燎原不可撲
初看腫硬過臂肱旋覺熏蒸上頭目未幾腕底潰成孔
如筓引泉來續續紅紫者血黃者膿晨夕涓涓漬牀褥
遂令遍體精氣神盡化漿流無底谷命脈微如將斷絲
膏髓涸成久枯木親朋猶來問無恙病已不支俄續屬
嗚呼癬疥初生藥誤投癰疽既潰手空束世間萬事類
如此事過追思豈勝哭

題稚存萬里荷戈集

人間第一最奇境必待第一奇才領渾沌倘無人可鑿
不妨終古惜不醒中原一片好景光發泄已盡周漢唐
所未泄者蠻獠窟天遣李白流夜郎又教子瞻渡瓊海
總爲僞昧開天荒伊犁城在西北極比似炎徼更遼僻
烏孫故地氍裘鄉昨昨何曾讀倉頡近年始入坤輿圖
去者無非罪人謫一聞嚴譴當出關如赴鬼門淚流赤
豈知天固不輕與若輩紛紛何足數要等風騷絕代人
來絢鴻濛舊風土稚存先生今李蘇狂言應受櫻鱗誅

熱鐵在頸赦不殺廣柳車送充囚徒天公見之拍手笑
待子久矣子纔到鍾儀故是操南音斛律何妨歌北調
從此天山雪嶺間神馬尻輿恣吟眺 國家開疆萬餘
里竟似為君拓詩料即今一卷荷戈詩已如禹鼎鑄魅
魍狂風捲石落半嶺堅冰鑿梯通九達人驚鵬攫抱頭
竄雷怯龍鬪飛輪馳生羌變驢或剩腿降夷化魚皆游
屍皆詩中所記 隨手拈作錦囊句諾魯狹陋寧須支翻嫌
賜環太草草令威百日歸華表倘更畱君一二年北荒
經定增搜考憶君惟恐君歸遲愛君轉恨君歸早

湯樸齋邀飲紫藤花下

相傳東坡手植物

顧塘橋館藤花開相傳坡公昔親栽主人重是名賢蹟
邀客共醉黃金壘我思公歸自海外五月真州已暴下
荆溪買宅旋折券始到此間僦寓舍入門未久即上仙
那得復有種花暇只因旅宿幾晨昏此藤遂傳手澤存
七百年來屢易主藤與公名共千古孤根不肯曲九泉
借用坡咏檜詩 上乃屈蟠半空舞皮皴腹裂老不僵化作瘦蛟戰
風雨過客猶思拾落英居人不敢議斯斧想見深宵月
白時魂兮歸來尚摩撫即今正值花開繁纍纍瓊瑤明
朝嗽猶疑帶公舊文彩來吐爛熳催芳尊名流草木皆
可敬況此名隸大雅門卻慚咫尺為鄰竝不敢來爭謝

傳墩余家相距僅三十步

偶有遺忘問之稚存輒錄示原委老夫欣得此行

祕書矣無以為報擬質一事即勞以酒一壺戲

書此為券

年老苦健忘又懶尋故牘每當數典處擗管瞪兩目避
近洪景盧便便五經腹我欲納履質所疑惟恐括囊祕
弗告豈知華鯨待撞荏直為亡羊追逋足憑君胸羅儲
侍多供我耳食取攜速共誇到老尚弩強誰識從旁有
刀捉快哉得此行祕書讀萬卷如為我蓄安世能備三

篋亡張巡遍記一城熟予取予求不汝取何以報之心

愧惡欲將文通殘錦贈君才自有天機歎欲作曹邱寸

舌揚君名已播風輪軸聊援酒甌借書例一事勞以酒

一斛只愁醉後發狂言笑我南華不曾讀

石女歌為翁悟情作兼柬佩香

化工爐鞴誰能識一樣胚胎搏活脫偏有金剛不壞身

幻出嬋娟鎖子骨黃山谷詩金沙灘頭鎖子骨不妨隨俗暫嬋娟事見傳燈錄及續元怪錄禁坑空期有

路通台洞偏苦無門入可惜修眉曼睩姿外是玉人中

是石生小揚州邗水濱曾隨阿姊入朱門其姊為和督妾因隨入京縹緗

插架閒供讀紈綺裁衣穩稱身畱取待年嬌養慣銷金

鍋裏九年春自知不中採葑菲一片雄心終不已既負

奇軀要出奇。芙蓉面粉從今洗。曾聞潘姥稱將軍。楊大眼妻見北

史何必木蘭讓男子。遂拋巾幗改衣冠。改作男子裝習騎射夜習韜

鈴。畫矛矢。綵裙脫去著繡襦。纏足放開穿革履。公孫劍

器。蠕蠕弓。高歡娶蠕蠕公主射能落雁見北齊書跨馬疾馳三百里。破賊思隨娘

子軍守城好助夫人壘。誰知有志竟無成。朱門忽傾阿

姊死。和督病歿於湖南軍中其姊聞之即自經南還故里已無家。蹤跡飄零似落花

已作健兒縛袴褶。肯同商婦抱琵琶。只有空門堪送老

擬販爭業誦楞伽。一朝邂逅吟紅女。莫逆論交水投乳

小姑。居處本無郎。正少孟光來。質廡畫船同載過。江來

茗碗。爐其環堵。佩香招與同居京口若論平日粗豪氣。也愁變作

胭脂虎。豈知風雅有夙緣。已自好文不好武。巧思原工

織錦機。師資更得修月斧。閒陪拈韻墨花鮮。兼學畫蘭

風葉舞對局圍棋。午一杯分燈繡佛宵三鼓。天上嫦娥

暗羨他。廣寒無此好儔侶。從此清涼過一生。不知何物

是風情。遂把俗緣勾一筆。悟情兩字換芳名。我來相遇

京江許石不能言。乃傾吐。本非望夫所化成。甘此硜硜

竟終古。我聞石亦有點頭。未必胚胎盡頑魯。譬汝豐肌

弱骨身。一旦改粧卽儉楚。試學女媧煉石功。凡有缺陷

皆堪補。異時倘應長吉詩。石破天驚逗秋雨。

楊桐山招飲肴饌極精賦贈

老夫昨日已不飯。爲有今朝美肴饌。果然雋永出郇厨。入口幾疑易牙撰。色潔先招目。食饒香清更引鼻。觀美斯須舌本溢。芬腴吮咀未忍遽。下嚙世人競。詡開華筵。廣徵水陸窮蹄筌。可憐烹飪不得法。枉費何曾一萬錢。豈如君家食單好。至味原不逾肥鮮。同是一題作文字。妙手獨抉題真詮。遂擅个中三昧秘。其味可領方難傳。緊余不比窮杜甫。冬菹土酥便輕許。也會喫過五侯鯖。等閒魚炙不足數。君獨能教飫老饕。酸醎想見手親調。爲我一番捫腹快。費君幾夕用心勞。卻愧儒餐本草草。礪齒曾堅菜根咬。爨底勞薪雖識味。家常那得此精好。笑比江陵張太師。今日吳庖纔一飽。

稚存往寧國時曾約同遊黃山遲余不到歸以負

約相嘲和韻報之

孤居足不出鄉土。那得一豁塵襟腐。自君前歲塞外歸。勁敵相逢互客主。過從不覺步履頻。治具寧嫌盤格粗。有花必酒。酒必詩。正是酒龍遇詩虎。意珠不畏驪頰探。思縷直傾蠶腹吐。始知草聖運腕神。端仗劍娘鬥眉嫵。朋簪樂事此焉最。冠蓋西園何足數。無端飄風吹萍散。聘幣到門君出戶。爲增山路撻雲篇。拋卻鄉園行藥圃。臨分約我黃山行。覽勝歸來過端午。老夫已辦宿春糧。

敗興忽停發船鼓遂招諾責暗訕嘲摩墨致師將覆楚
 淋漓大篇五百字咄嗟立辦一炊黍公然欺我老無力
 謂此衰孱勇難賈憑陵直欲以氣吞三寸筆鋒當刀斧
 豈知我昔亦壯遊歷險探奇不知苦從戎曾到日南天
 親領羌渾狎獷鹵高黎貢山一萬丈五十三參等堂廡
 仰瞻星斗手欲捫平視華嵩首寧俯三休三上拚臂腰
 一掩一重為肺腑比似天鄣六六峯各有玲瓏碧虛府
 回鞭更踏五管東羅浮秀發亦罕伍蓬萊左股夜失卻
 風雨漂來止其所天雞一聲海日紅不拗扶桑慚不武
 飛雲終歲不見頂飛雲峯為羅浮最高處終歲雲封故不見頂并陋黃海鋪綿補片
 茲絕境悉親歷眼界奚止小東魯興來不禁嘯蘇門狂
 甚那肯啗河渚是時君纔課童律一穗寒燈暇饑鼠如
 今才名雖蓋代何得便將老成侮勸駕偶發王猷興停
 車亦豈臧倉阻倘因負約輒見訛勢必尾生死水滸已
 拚頭地讓君出那把降旗強我豎君子不欲多士人有
 才安得獨千古

呼匠刷印所著詩文戲作

恨不借祖龍火燒盡好詩獨剩我恨不借黃虎刀見明史流賊傳
 殺盡才士讓我豪笑問此心報不報要顯我長幸人短
 果能置身萬仞岡何山敢與爭低昂乃欲臨深作高蹇

固。知。所。挾。本。淺。淺。歸。田。已。歷。三。十。年。著。書。未。滿。二。百。卷。

余所著咳餘叢考四十三卷廿二史劄記三十六卷甌北詩集四十四卷唐宋以來十家詩話十卷 皇朝武功紀盛四卷雜記四卷共一百四十卷

可。型。舅。兄。老。而。善。睡。頗。以。為。苦。余。方。苦。不。睡。不。意。

其轉苦睡也戲贈一首

人。生。何。者。是。老。福。能。食。能。糞。能。睡。足。

見明史方技傳

緊。余。老。境。口。

就。衰。衰。徵。尤。在。眠。不。熟。眠。不。熟。百。苦。生。暗。數。一。更。又。一。

更。翻。似。聖。賢。養。心。法。虛。靈。不。昧。常。惺。惺。初。焉。手。腳。熱。旋。

復。脣。舌。渴。曾。無。淑。女。繫。寤。思。輾。轉。反。側。竟。終。夕。朝。來。如。

在。雲。霧。中。扎。闖。枉。祈。日。交。睫。羨。君。黑。甜。味。獨。長。野。麪。時。

人。華。胥。鄉。午。簟。弗。驚。幻。蝶。幻。宵。衾。弗。覺。荒。雞。荒。倒。身。甘。

寢。百。疾。愈。此。天。私。厚。俾。壽。康。胡。為。翻。恐。涉。昏。惰。欲。作。魚。

鑰。夜。司。鎖。我。聞。春。困。堪。賣。瘧。堪。躲。邯。鄲。枕。借。不。能。希。夷。

方。覓。亦。可。君。不。願。作。瞌。睡。漢。去。掇。狀。元。五。雲。朶。何。不。結。

柳。為。車。縛。草。為。舸。將。此。睡。魔。來。送。我。我。當。移。與。君。對。牀。

分。君。三。昧。北。窗。涼。君。如。飲。醒。酒。湯。我。如。嗅。返。竈。香。減。君。

鼻。息。輓。雷。吼。省。我。目。背。巖。電。光。庶。幾。嚮。晦。宴。息。各。守。常。

只。愁。同。牀。又。各。夢。不。能。隨。入。槐。根。洞。臥。榻。旁。空。有。睡。人。

仍。自。獨。醒。聽。蟻。闕。

題文信國致永豐尉吳名揚三扎

名。揚。金。谿。人。官。永。豐。尉。信。國。勤。王。時。辟。署。幕。尉。

奏補江西制幹兼禮兵部架閣名揚專任軍糧
事此三扎皆催糧書也吳氏載在家譜裔孫蘭
雪另梓以傳爰題其後

魯公乞米帖但為舉家艱旅食充國屯田策事可緩圖
非至亟信公此扎乃救亾欲飽戰士速勤王誰其任之
永豐尉不惟募糧兼運糧是時義旅雖烏合元戎意氣
方鷹揚手書籌餉代官檄時危豈論官低昂木牛流馬
未暇製陸則任輦水則航千五百貫官會子早喜頓宿
能供張書中發一千五百貫
官會充夫脚等費誓收殘疆完破碎實賴同志勤劬
勦空坑戰敗散如雨何處趙家乾淨土可惜當時眾慕
僚姓名大半草木腐寺井沉函鄭所南釣臺擊石謝臯

羽宋史忠義已漏書吟嘯集亦未及數

鄭思肖謝翱二人宋史
及文山指南吟嘯二集

皆無其况問關共事人猶貉噉盡點鬼簿此扎吳家獨何
幸鬼護神訶鏃家譜遂令區區一縣尉長附丞相其干
古想見荒天野哭時手抱遺箋淚縷縷經年名刺字懷
袖一寸蠟丸書納股酒悲時復一開看尙覺毫端血花
吐白翎雀調世已彈朱鳥味詞心獨苦精誠所結不消
蝕又有裔孫起摩撫紙敵雖同晉帖原扎已失翁覃溪
學士以意做寫臨文存
不待束詩補傳家此卽教忠書故應數典不忘祖

戲題魁星像

北斗為文昌之府其第一星至第四星總名魁
星決科者咸乞靈焉世遂就字象形作鬼跳躍
為魁星像近日村劇又增一手執筆一手執銀
錠蓋取必定得雋之意為赴舉者發佳兆也余
薄有詩名生事亦粗足人遂以魁星目余謂有
筆能作詩有錠可致富一時竟傳為口實爰賦
以解嘲

老夫顏狀縱不美何至被人儼作鬼世傳魁星主文衡
就字象形出怪偉曷鼻離顏見者驚度索山中一鬱壘
象形今更兼諧聲一筆一錠兩手擎意取音同必定字
巧為赴舉兆榮名俚俗無稽堪笑歌無端混號忽到我
謂我才高家又哿班管握右白鏹左書生眼孔真可憐
非指喻指竟妄傳欲將黔婁侶猗頓更遣貫休充謫仙
東坡謂李白集中笑矣乎等
詩皆五代時貫休等所為我縱有筆堪脫穎不過著書鉛槧冷
豈能造鳳樓扛龍鼎最清切處七扎揮大制作來一椽
挺我縱有錠可代耕不過賣文銖兩輕豈能鑄成餅積
滿籬多比孝傑萬錠庫高於齊澣八尺甌浪得虛名翻
自喜生已為神不待死聲望雖無北斗高位置恰鄰東
壁邇幸非盜魁大澤鄉亦豈黨魁甘陵里一个搦管持
籌人竟上穹霄垂玉李賢人聚為陳實臨少微隕關戴

達恥由來郎官應列宿安知我不麗五緯他年弄假倘
成真文章司命掌青紫紫府雖讓韓侍中綠袍亦儕鍾
進士樂得人間眾秀才辦香奉我虔拜起

吳門喜晤王述菴司寇值其八十大慶作詩稱祝

兼蘭錢竹汀宮詹

垂老故人無幾見邂逅相逢適我願到蘇聞公在虎邱
急往相尋艇如箭欵門不暇敘寒暄先認五年別來面
喜公壽骨倍峻嶒頤頰增長一寸半視聽兩官雖漸廢
聲如洪鐘聞者戰高名動人戶屢多竟日將迎弗告倦
始知天子老健身特教歸作靈光殿繫余年亦七十七
幸附殷兄列行鴈寓公况有錢穆父齒序亦堪後勁殿
竹汀少
余一歲一朝都聚吳趨坊共詫老人星出現看取江南三
老圖明日家家畫團扇

題竹初自述文

趙岐斲墓石司空誌生壙竹初自述文亦以代家狀讀
之見其真自處尋常人一語無矯飾詞卑意彌淳古來
三不朽皆出常人手祇此擇地蹈循牆走身不踰檢閑
官不曠職守得時可奮幹濟功不遇亦作釣游叟豈必
鼻息衝雲漢脚步踏星斗穿溟滓界透險重遊罔閩鄉
隘州九然後魁奇絕輩流俶詭賦儕偶君今安其常乃

更謙而光若論名行及才藝我覺此文猶未備學有兄

在專師資謂令兄文敏公產比仲多均活計待仲兄篤恩誼出無官謗民歌

襦歸有去思人墮淚宰鄞縣以病歸餘事更兼風雅宗詩思文心

兩精銳工書善畫各入微學佛求仙並深契倘得巨手

為鋪張將垂史乘芳更炳金石光君乃不乞韓歐陽并

不假趙子昂董其昌自搦一枝雞毛筆直寫素履無避

藏想見寒窗夜深悄熒然一燈含毫選一念不將衾影

欺寸長未敢竿牘表此即供狀到閻羅不用減增另具

稿偉哉此正非常人只把常人之事了

舟泊汜光看孟蘭會放湖燈

一燈兩燈千百燈滿湖熒煌炳繁星孟蘭盆借佛毫相

放大光明豁沉冥人燈放入鬼界去陽火變作陰燐青

是時湖天夜昏黑黑中正顯燈光出一燈一鬼爭來擎

涼燄不愁炙手熱暗飛忙似萬點螢自照羈魂欣解脫

漆天墨地枉死城今夕朗開覺路徹夜叉羅刹不敢攔

為有一道紅光赫魚龍不知徒驚逃何暇燒汝頭額焦

甓社有珠恐被掣老蚌亦復閉口牢逃津筏渡有如此

萬荷花裏歡聲囂斯須燈散了無跡皎月當空一輪白

楊桐山具精饌招飲賦謝

安得三百六十楊桐山使我日日飲美餐不然一百有

八十亦可隔日快。飽。老夫雖非飲食人。每遇盛饌亦
覺珍。且勿論豹胎熊掌。猩脣鵝增。四腿鼈兩裙。但從
芻豢選肥美。昔人烹飪有絕技。濃乳蒸豚爛。熾炭炙驢
死。駝臍脣入饅。雞羽精擇米。此皆豪門矜秘方。至今談
者津溢齒。君并不仿古食單。自出新意調醃酸。所用不
過飛潛走。獨取精魄遺蹄筌。文火武火一晝夜。恰如郭
虛舟。鼎燒金丹。遂使滿堂動色。到屬饜弗顧。脹斷腰帶。
擊。可惜一年一召客。不作鄭莊勤置驛。令我數日之前
早。朶頤數日之後。尚流沫。從此腐儒餐入口。總不適。爨
婦被譙訶。養子受鐫責。都恨楊家厨。以巧形。我拙一笑。
大烹養。翻爲衆怨集。君欲息此謗。讎典。只有朝朝開宴
席。

午節後二日方慕雲明府招同劉檀橋中允莊迂
甫贊善洪稚存編修蔣立菴楊星園兩太守龔
稼堂州牧蔣瑩溪別駕陳春山大令泛舟看競
渡卽事

常州龍船天下無。今年膩雨愁沾濡。天憐措大作豪舉。
雲端忽翥黃金鳥。主人發興大召客。十千高價雇舳艫。
長魚大肉咄嗟辦。水晶之盤白玉壺。客來大半雙髻皓。
最少亦已蒼髯鬢。俄看三龍蜿蜒到。震天鐃鐺轟前驅。

龍身幻出錦鱗甲。金支翠羽紅珊瑚。樓臺都攝寶光內。
化作貝闕烟模糊。遊船全集競追逐。奮力似欲爭驪珠。
千艘萬舸無一罅。辟道莫敢麾螭弧。洛浦佳人簾影閃。
扶風豪士酒氣粗。老顛亦復風景裂。醉倒不倩旁觀扶。
昔人一樂動千古。采石仙李黃樓蘇。杜牧水嬉亦兒戲。
竟其屈子傳江湖。吾儕此會頗酣縱。他年可亦傳畫圖。
且食蛤蜊不知許。當饗而嘆毋乃迂。

古玉玲歌

刻玉爲蟬形。古人歛屍用以壓舌。宣和博古圖謂之玲瑯。瑩溪出以見示。索詩。

蔣侯示我白玉蟬。幽光逼人毛髮寒。來從千年太陰裏。
歛屍曾壓舌。本乾殘骸敗齒爛。成土獨此血漬紅斑斑。
我笑古人太癡絕。一副革囊已破裂。何妨速朽化泥沙。
乃競飾終填窆窆。縱有虞瑄夏瑁璜。詎返遊魂起僵魄。
徒令發邱郎掘墳。賊毒手交相碎枯腊。淒涼金盃出人。
間。狼籍珠襦棄道側。地下長眠倘有知。懷璧其罪鬼應。
泣。胡爲古癡君更癡。不祥之物翻稱奇。領囊購得自矜。
寵。如削廁簡擱面皮。昔含死人口。今弄生人手。將生替。
死。引親膚未死。先同骨已朽。身佩幾俚燕玉温。竟來或。
索弁瓊。取由來寶物不終淪。特借暗投鍊形久。多年凶。
穢。殉髑髏。一旦晶熒燭星斗。勸君他日勿附身。恐又發。
塚不脛走。

稚存見題賤照有十萬黃金之嘲走筆戲答

秀才眼孔本不大墮十萬青錢便塞破青錢忽變作黃金
 驚喜橫財所望過得毋折鈔非實支大似考賅竟懸
 坐若果腰纏如此多跨鶴應愁半空墮古來藏金誰最
 豐六十匱記安漢公武陵王懸一千餅張孝傑貯百萬
 銚彼皆倚勢哀歛多遂使精鏐堆作廩繫余出身故寒
 陋得官稍藉俸錢救趨朝曾耐水一條出守但矜風兩
 袖歸來不及陸賈裝問舍求田俱未就老年生計略可
 支不過賣文錢潤筆資作碑尚須斛斯索酬縑安有裴
 相貽既不能負耗帶鈴劫掠廣又不能點鐵鍊鉛變化
 奇何當橫加金夫號祗漚布地名同馳今試與君較歲
 入我僅鎔銖營什一君挾大名驚世人廣致賂遺來絡
 繹乞書幣湧李邕門問字酒填揚子宅居則坐收海賈
 餽蕭子雲傳出則滿載汴京獲元遣山詩大船築室已規元暢樓為
 園更運到公石君新構精舍極水木竹石之勝漢上足穀翁江南多牛客總
 作陸莊供取給是我有限君無窮黃金早向君家積想
 應怕我為劉義先發制人防攘奪

余既答稚存黃金之嘲乃又有詩來索戰再作長

句報之

我昔有賒願可惜不如算欲屈徐凝代治庖日具精饌

饗老饗

徐肇墳通判
食品最精

欲屈蔣詡作狎客時聽劇談供笑啞

蔣心餘編
修善談

二事俱不遂誣語竟付空老年被人稱富翁會

計正少研桑工昨得君詩意似妬憑空坐我貲財數將

無作有揣贏金以一為十彷彿露布

報捷書以一為十見魏書

未免司空

城旦書卻似度支上計簿向來只服君能詩不謂才兼

可管庫我將請司甲乙帳朱出墨入煩記註君勿笑聘

錢一囊僅錙銖我尚有燕公未鑄三十鑪君勿笑束修

十甌空誑賜我尚有衛公未食一萬羊行將再積元相

胡椒八百石恣君擣香齏辣調膾炙更置循王田租六

十四萬斛聽君饌玉炊珠果其腹平生徐蔣不可招得

君為我掌記亦足豪一一代插紅紫標省得繞牀阿堵

損我高君亦明知此調語姑妄聽之口相許蒯緱來就

孟嘗君試問積鏹在何所枉見金夫不有躬悶坐空倉

作飢鼠

憂旱

今年天作去聲奇文章大開大合為弛張一雨輒經數十

日一晴又歷匝月長可憐麥收已大歉萬命只托新栽

秧雖有長河足灌溉踏車先要飽糗糧轆轤饑腸枯槁

腿枵戰醅盡白汗漿出高於河僅尺咫餓不能辱成陵

岡黃梅至今兩月耳憂潦忽改憂旱傷乃知天公好奇

奇。不。得。乾。啼。濕。哭。俱。爲。歿。不。如。手。筆。仍。故。常。無。恒。雨。亦。無。恒。暘。

逃荒嘆

男拖棒女挈筐過江南下逃災荒云是淮揚稽天浸幸
脫魚腹餘羸尪百十爲羣踵相接暮宿野寺朝城坊初
猶倚門可憐色結隊漸衆勢漸強麾之不去似吠犬取
非其有或攘羊死法死飢等死耳垂死寧復顧禁防遂
今市闕白晝閉餓氣翻作凶燄張黔敖縱欲具路食口
衆我寡恐召殃側聞有司下令逐具舟押送歸故鄉卻
望故鄉在何所洪流降割方湯湯

銅鼓歌戲作

南海廟曾見銅鼓獻自林邑番王府曲律裏頭壞其一
其一留鎮神祠古雄觀今復得祥金石綠黛青光溢戶
面徑三尺圍九尺陽凸陰凹紋可數彭亨勻列六蝦蟇
三足怒蹲努其股援枹一擊奮袖來頭如青山手如雨
空腔不血虛化涵幡腹無喉大音吐鏗鯨幻作靈鼉鳴
想見爐錘烹鍊苦相傳葛相南征時鑄鼎象物訾蠻土
得非中有盤瓠蒐收攝嘍囉憑乃祖當年粵帥韓襄毅
懸之戟門肅儀矩劉顯搗巢都掌蠻獲九十三更威武
腐儒寧復慕勲名鏡鐳軍前效貔虎惟聞鼓聲宏者易

千牛我將富過。弦高賈聽人呼。作多牛翁擊缶歌呼。醉起舞。

題忠節金正希先生遺像為其族孫素中太守作

昔從燈窗讀公文。浩氣上薄秋空雲。今從畫卷見公像。我冠清袖書生樣。書生何意好論兵。正值時危國步傾。陳濤斜痛戰車覆。高勾驪輟使節行。投劾歸來退閒久。南渡孱王又出走。故國招魂史憲之。新朝易帥洪亨九。黃山白嶽集鄉兵。一彈丸地為誰守。包疔疽竟願裹瘡。毛葫蘆皆甘碎首。見金元二史皆鄉兵起義者已聯眾志結成城。不藉印囊懸在肘。明知一旅事。何成猶欲挽天憑。隻手蚍蜉蟻子絕。援師糠覈草根充。宿糗五坡嶺。遂執文山生。蔡無煩炎午酒事。隔滄桑百六年重蒙。昭代易名傳狄家。能保梁公像。尤見清門有後賢。

哭王述菴侍郎

前年遇公劔池石。正值懸弧慶八秩。喜公夙具壽者相。齟骨距頤長一尺。方冀泛舟結近遊。豈期哭寢成長別。憶昔同官京國時。僦舍寄園各半宅。余與公同僦趙天羽給諫寄園舊宅聯吟聲每應隔牆。照讀光常分鑿壁。醉書不惜墨濡頭。白戰互以筆為舌。蒲褐山房。全齋名綠樹陰中有兩人。屐齒迹無端。滇徼有兵事。共作征南幕。下客晨炊苗米。苗米見宋史理宗紀浙

牙頭夜草軍書磨盾鼻書生履險雖貼危好友偕遊亦
 酣適我旋按部粵江清公又從戎蜀山僻矢石叢中過
 六年身最艱劬名最赫下臨絕塹萬丈深上劈危碕一
 線窄馬蹄雪踏人頭紅鹿角若浮燐火碧鬼門關上幾
 度經僥倖辱驅脫死籍遂佐犁庭掃穴功豹子貙孫盡
 俘獲奏凱歸來大策勲屢擢崇班到槐棘是時我久臥
 菰蒲公亦繼歸勤著述立功纔了又立言壇坫東南來
 佔席春江花月常往還邂逅一尊話疇昔江天落落幾
 作家袁蔣王錢皆巨擘同是千秋有數人缺一可憐難
 再得十餘年乃盡凋謝剩我與公兩頭白晨星碩果倍
 覺珍百里相望雙突兀殘年有伴差自壯相倚為強作
 耆碩何當公又騎箕去天不憖遺催名亟後生雄駿豈
 不多非我素交終膜隔宵來或可通夢竟月落猶疑照
 顏色從此人間無故人獨立蒼茫悲影隻

八月二日天寧寺旁巽宮樓火

內有四楠木柱皆萬年物亦焚最可惜

常州城外古巽宮宮樓歸過佛殿崇殿高九丈樓十丈
 忽然火光照城中是時八月旁死魄麗譙更鼓纔夔夔
 乍驚朝暘何太早又疑晚霞豈在東趨觀乃知此樓燬
 刹竿突兀招祝融籩籛片火倏透頂卻又倒熱重簷重
 遂成洪爐鞴熾炭躍冶靡不歸銷鎔千層瓴甃落遍地

萬株構櫺飛滿空家家煖思涼露坐處處熱逼熏籠烘地高燄烈遠有耀十里以內皆鮮紅四十三龍救不得

救火具名水龍城內外四十三龍齊到

掣水五丈力已窮下方猶疑照天燭其

勢竟欲燒蒼穹幸而直上不旁及招提得保五百弓不

然諸佛衆菩薩頭焦額爛逃何從樓鐘大於五石瓠火

中色似赤堇銅拉然一墮成死鐵啞無聲不震耳聾最

可惜者四楠柱被焚香滷毘嵐風大五十圍長百尺何

論漢柏秦時松此是盤古以前樹生於混沌長洪濛當

年永樂神木廠得一已誇神運功海幢寺中亦一榦

海幢寺亦有

獨木難以作棟隆可知奇材世所罕章亥亦

恐尋無踪擊天拄地乃有四薄海內外何由逢茲寶吾

鄉一大寶虞瑄夏璜價敢同層樓一炬細事耳豈知中

有太古洞萬千年物一朝燼想是劫數應告終長成何

艱摧何易使我憑弔心忡忡

兒輩既爲余暖壽遂演劇連三日卽事志感

今朝兒曹大合樂饗我八十懸弧辰兒童歡笑婦女喜
爲有燄段百戲陳瓊筵排日列樽俎先讌官長次縉紳
下逮里鄙衆交舊敢以韋布嫌非倫居然歡場大富貴
滿堂羅綺爭鮮新豈知儒家作豪舉半出假貸東西鄰
屏風借得錦步幃地衣賃來紫茸茵濁醪恐露牆過酒

精饅謬詡蠟代薪終非出諸宮中物。捉襟輒復肘見痕。
 東堂合射本不易。見晉書乃妄欲以富飾貧腐儒積貲有。
 幾許幸獲溫飽已。苛人譬如奔馬宜稍勒勿使力盡蹶。
 絕塵胡為拚竭數年蓄博此數日快意晨獨不見陽陶。
 轉喉肖歌哭。幡綽弄舌假笑嘖。擎掌臨風胡旋舞。反腰。
 貼地倒刺身。正當歡娛忘夜永。恨不窟室酣連旬。紅袍。
 一出戲鼓歇。霎時過眼如颺輪。吳歌楚舞復何在。依然。
 篝燈一穗寒相親。

除夕戲作

巽宮樓晉天福中所建至今將千年忽燬於火
余年衰老世煩以魯靈光目之得非余玉樓赴

名之兆耶今已歲除居然無恙既得免於椽崩
 僑壓竊又自疑人微樓古恐不足應此劫灰則
 又將貽笑於求死不得也

巽宮樓于我干何事只因人皆推我魯靈光便覺古物
 有關繫此樓已歷宋元明我不三老亦五更儒冠梵刹
 兩高壽相與似有瓜葛情傑構一朝燬得非應在耆年
 英巫陽雖未召祝融先催行嚇得呂碧爐底伏深恐遭
 劫當遐征不免預治狸首棺馬鬣瑩顧視日景飾巾待
 知是先甲是後庚無何歲酒飲過最後觥仍無笙鶴來

相迎。乃知樓自樓。我自我。不得牽連一場火。戴逵何與少。微星枉自驚。惶抱頭。躲且勿慕虛名。聊幸留此生。丈夫不朽自有在。豈必攀附古蹟垂徽聲。君不見宏景層樓高。可眺子瞻黃樓遠。有耀至今樓。圯名自傳何至求死。不得被人笑。

蚊有不鳴者。蓋鳴者雄。不鳴者雌也。戲書。

白鳥營營聚成陣。響或如雷滿堂震。豈知中有不鳴者。猝不及防巧伺覺。向來只解聞聲撲。無聲可聞便不覺。一朝撲得不鳴蚊。翹肖中有此陰惡。想當化機亭毒時。二氣已自潛分滋。一般形模兩般性。有聲者雄無聲雌。

眼前習見孰留意。靜觀乃識同中異。由來無物無陰陽。

此亦格物中一事。卻笑讀書八十年。格物僅在一蟲細。

六月十三日大兩三四寸旱田皆可補插秧苗喜

賦

五日喧競渡城河。灘已露時方屆插秧。謂當有甘澍。孰知期竟愆。赤裂江鄉田。不雨四十日。土燥成石。堅有犁翻不得。聞煞老烏。犍塘灤本無蓄。溪港亦涓涓。只有運河猶未涸。強有力者搶耕作。萬條桔槔。如渴龍一吸。亦將罄杯杓。何况高原距水遙。眼看龜坼地。不毛官爲斷。屠民折柳一步一拜。敢憚勞呼天禱地。仍不應束手相

視惟哀號。豈知天無絕人路。六月十三雨。大注曉聞颯。
杳驚夢。回起看簷溜。粗於柱恨。不將髮續。雨絲惟恐中。
斷。戛然任綿延。乃竟二十刻。仰視彌空黑。如霧晚來解。
澤更淋漓。餘勇可賈。尚鬱怒。從此家家補蔣秧。再過數。
日已無措。頃刻簔笠紛四郊。方罨布肘弓彎。腰急趁田。
水滿。寧暇筋力懶。雷轟耳不聞。蟲噬膚不管。有。噴。其。饑。
攜。管。筐。肉。必。大。盤。酒。大。盃。傭。奴。佃。客。當。饗。賓。日。暮。醉。紅。
齊。上。臉。可。憐。豐。嗇。頓。殊。施。昨。尚。憂。荒。夫。豈。敢。老。夫。亦。復。
度量增。向來寒儉。今痛懲。爨婦柴。勿論斤兩。饗子米。豈。
計。龔。升。譬如旱成子遺。盡食。雖有粟。吾其能。

舟行忽得順風戲作短歌

雙櫓停片帆。掛一郵亭。又一郵亭。欲記行程。不及寫千。
里。江陵一日還。始信青蓮語。非假知章騎。馬似乘船。我。
今乘船似奔馬。

題孫子瀟翰林詩冊

世間詩思已說盡。豈知尚有未開徑。子瀟太史太好奇。
要與千古。人爭勝。康莊大道。嫌其趨。別鑿凶門。誇力勁。
唾餘牙。後盡掃。空一縷。心香獨盤硬。遂令維摩十笏中。
五百由旬。不能竟。檀溪奮躍。三丈濶。邛坂叱登。九折賈。
始知蝸角有戰場。伏尸百萬地。猶剩古。聞縮地壺。公壺。

今乃闕塗禁坑禁貽我天真閣一編不知幾費椎斧柄
海內詩人應第一嘔出心肝不辭病卻笑名場值幾何
乃為求工欲拚命

題百體壽字

昔人造書本物象仰觀俯察皆師資自從鳥跡興思後
依類肖形日漸滋垂露偃波取看及豸頭虎爪攸走飛
錯刀懸針器什樣轉蓬倒薤草木姿以及星雲禾藁穗
麟鳳鼠兔蟲魚龜西秦八體漢六體倚撫未備多闕遺
韋仲審定九十一功曹九法更益裨自茲百體有成數
合寫實始庾元威采墨各半妙結構屏風十疊光陸離
當時未作稱祝用但供玩賞侈幃帷此幅何人所撮輯
一壽字以百體為旁搜廣摭極繁賾爰歷倉雅靡不窺
秘刻窮探舊碑碣奇欵遠攷古鼎彝就中亦有杜撰筆
世無可證聊相欺森列素紙徑八尺整妮不用闌烏絲
或莊嚴如聳樓閣或屈曲似盤蛟螭或離綻開金翠羽
或婀娜搖琪花枝巧製古來未經見文房譜系罕及之
相傳前明張御史名敷見湧幢小品得自涇陽舅氏貽邇來臨本
漸傳播多取吉祥介秀眉我笑掇拾猶未廣額限以百
嫌畫錐世間若有百歲老將此持贈定不怡曷弗兼收
到近代更復旁索及遠夷君不見契丹損隸神冊製金

源微楷希尹垂西夏番書創國主蒙古新字造帝師其
他羗戎代木刻驢唇蝨吒咸紛披浮提幻人壺貯墨婆
羅字母音貫辭佉樓叔畫演貝葉勃泥進表寫木皮白
善粉描甘字智精鑢刀鏤馬八兒詰曲舌人說不到龍
鬼八部能通詞是皆博學所不廢旁行左轉各異宜編
摹尚可數十種增補壽數逾期頤生縮丹碧排磊落傳
之藝苑亦一奇。縷述原徵引典核足見腹笥繁博畜生

黃雨歌

桂花開過飄落如雨竊彷彿桃花紅雨之例名之

日黃雨戲作短歌

桃花亂落如紅雨雨點太粗殊不似凡花黃者多不落
秋菊落英寓言耳木樨謝乃落紛紛灑地秋霖正可擬
青天白日浙瀝來不用青涼繖遮體布金焜作祇汨宮
撚蠟散霏忒利市贏得風姨也帶香并疑月姊真潑水
桂林一枝定誰折時諸生方鄉試黃色上眉先報喜紅雨新翻黃
雨歌數典不妨自今始

東坡洗硯池歌

吾郡顧塘橋蔣氏宅有石池一形似槽長三尺
許深半之相傳為東坡洗硯池按公生平居常
者再元豐八年春被命許歸陽羨遂居常州未

幾赴登州任其所居今不可攷建中靖國元年
自嶺外歸五月至真州病暴下復止於常據方
嶽深雪偶談述公是時先卜居陽羨已用五百
緡買宅矣夜與邵民瞻步月聞老嫗哭聲詢知
以將徙宅故卽公所買宅也遂焚券不索其值
至毘陵借顧塘橋孫氏宅寓焉是歲七月卽歿
於寓所然則顧塘橋宅乃公晚歲所居此池亦
卽養疾一二月中所用也今蔣氏宅相傳卽當
日孫氏故址池幸無恙名賢遺跡良可寶也爰
作歌記之

是誰斲取銅官石節角四周腹深尺傳是東坡洗硯池
一斛清泉浸寒碧公昔投老居常州顧塘橋儼孫氏樓
翩然乘雲倏仙去手澤惟此一器留讀公集硯可數御
黼硯王齊愈龍尾硯孔毅甫丹石硯唐林父更有石鐘
鏗銅雀古窪或形似瓢欹或狀如斧是皆公所銘而公
非硯主諒未洗向池中墨花舞公之硯鳳味工許硯乞
從孫莘老洮硯貽自黃涪翁沙湖所獲文有呂定國所
贈字作風以及紗縠行中掘地得魚膚淺碧非人功類
皆聲銅色寒鐵不比青州石未兼絲紅未知何者攜向
此池洗至今硯去池已空我思當日瓊海歸來托無地

途次真州已下痢賃廡聊復養衰疾豈復能作文字戲
 得非嶺外日久苦筆墨焦取煤幾致茅屋燼握管直似
 驢蹬搖一朝北還復得諸葛散卓毫常和劒脊膠不覺
 見獵心喜技癢不可搔想當臨池手自滌殘墨解衣磅
 礴氣尙豪光浮金星銀星燦波映鵝眼鸚眼嬌餘瀋續
 紛灑作雨疑有潛虬下噴黑浪高噫嘻乎身行萬里半
 天下晚就吾鄉來羽化遺此石池湛不瀉似與此邦之
 人獨結翰墨緣風雅千年相枕藉雖輸定州雪浪質已
 過壺中九華價莫同岐陽石鼓作柱礎好共吳興碑亭
 覆深厦此先生廿二歲所作也後此池從蔣氏宅移出城外臧
 舟亭先生又有詩皆刻在甌北集今詩鈔補刻一首

重九前一日管公祠看菊

世人共愛春花妍豈知秋花更穠麗吾鄉近年菊事繁
 園戶俱工馬騰藝連畦幻出冷胭脂五色爛無不備
 醉楊妃與粉西施譜入羣芳立名字遂使陶籬高潔姿
 也逐時趨染肥膩吾特取其晚節香不與羣卉共榮悴
 春花從無百日紅茲獨能耐風霜厲不見初白查翁詩
 曾接早梅插同器

孫武子祠堂假山石歌

是誰巧琢山石秀不取其肥取其瘦百萬蜂窠紐作堆
 藕孔玲瓏竅穿透俯瞰將身入坎窞仰睇鑿翠開戶牖

人工巧處即天機。斧斤無痕似絺縵。我思朱勳當年貢。
花石。搜盡吳門好岩岫。黃紙封來便屬官。發屋毀垣肯
遺漏。此石不知何處藏。米顛恐無此長袖。獨思孫武本
將才。投石超距指揮就。豈屑更占風雅名。令人拄笏看
礪齒。漱位置一卷想傳後。我將遠馳域外觀。姑妄言之
列坐右。移作夔府城邊八陣圖。長在江心噴濤吼。

捏塑傳真

虎印陸起元以捏塑人像稱能手余亦令其捏成一軀供以小龕戲題於左

我聞西天大秦國。一大佛像高摩天。百尺椀竿膀下過。
只如淮陰受侮惡少年。自從象教西來後。中土彷彿製遍
八埏。畫家亦有寫生法。縑素尚扁此尚圓。劉鑿楊惠各

甌北詩鈔五言律一

陽湖

趙翼

雲崧

紅梅

等是冰霜骨。偏看着色殊。高人多倚醉。仙女亦施朱。伴
鶴迷丹頂。先蘭試絳趺。天桃休便附。終遜一分臞。

五牧鎮為宋將尹玉戰死處

五牧塘邊路。經過弔夕陽。一軍忠義鬼。兩岸戰爭場。地
尚多遺鏃。祠今有奠觴。當年運河水。想見血如湯。

苦雨

事有不如意。韶華夢裏過。一春晴日少。三月落花多。空

甌北詩鈔

五言律一

擬乘吳榜誰能挽魯戈。遙山亦合悶煙際。蹙修蛾

遊陽山清水洞

獨山拔地起邱壑。頗幽偏骨立。通身石腰藏。一眼泉離
家無十里結屋有三椽。五岳茲遊始題詩。紀歲年
僧寮留一宿。萬象沈寥中。夜色高樓月。秋聲落木風。身
臨白雲迴。心與碧天空。安得辭塵鞅。來營一畝宮。

秦園

看竹何須主。林局曲折通。人行山翠裏。秋在水聲中。邱
壑因天巧。松杉有古風。我無書可賣。敢問爾家東。

微山湖堤晚步

野色青於染。春流滑似膏。風塵千樹亞。浪捲半湖高。落
日明鴉背。平莎沒豕豪。翻因觸鄉思。髮鬢我東臯。

客興

京國依人慣。謀生倚捉刀。布衾寒似鐵。名紙敝生毛。燈
火蟲聲唧。風霜馬骨高。那禁鄉思切。此日正持螯。

曉行

野店餘殘柝。荒郊已展輪。曉星明似月。古堠立疑人。郵
暗猶無火。風微未起塵。攤衾三寸里。味續黑甜淳。

出古北口

鎖鑰憑天險。因山戍壘成。千盤蛇陣勢。十萬馬蹄聲。隘

比函關扼危如劍閣行時清無警備不用怯長征

南天門

峽束青冥上嚴扃構次寥天惟通一線星可摘三霄路
鑿鉗椎苦峯排劍戟驕控臨戎索大拱衛

帝京遙狹僅容單騎驅難並兩鑣地形愁倒馬風力稱
盤雕險叶泥封谷危如棧架橋時清無戍壘巖迴有僧
寮捲幔霏空翠炊廚拾斷樵鐘魚聞上界沆瀣吸中宵
雲族漫為海山支湧似潮平生登覽興我欲馭輪飈

木蘭

形勝興桓壯盧龍左界偏芻蕘靈囿啓羽獵上林傳境
是無人處天留太古前風雲千嶂合霜雪九秋先花草
無名字川原絕火烟木蘭內無田盧孕孳蹄角富儵俟友羣連獸

簿書難盡魚麗陣可聯周法歸禁禦甌脫稱遊畋地紀
諸番獻本蒙古地康熙年間獻為圍場人供大獮虔千三百騎集四十九旗

編塞上蒙古編四十九旗每歲出千三百騎士打圍屬國東西尉名王左右賢軍容分

隊肅殺氣合圍填較獲量山谷頌鮮論髀肩祭疆原古
典表貉寓兵權悉率兼戎索來同陋甫田黃圖仍近甸
紫邏接遐邊扈從叨榮遇慚無五柞篇

汪文端師歿已數月每欲一述哀情卒卒未暇也

輟直樞曹閒居無事甫得和淚漬墨以詩哭之

凡一千字

人物高千古。師生近十年。乘箕歸浩渺。爲位哭潺湲。作
楫中朝望。和羹內相權。身尊河砥柱。班侍樂鈞天。密勿
叅 溫室謀猷布。細旃嶽雲千里潤。谷黍一陽旋。

廟略絲綸渙。朝章黼黻宣。胸常涵霽月。量莫測澄淵。鎔
冶精金鍊。廻翔吉羽翩。廷推風度獨。門絕黨援偏。餘事
兼風雅。斯文極討研。別裁嚴僞體。孤倡摯真詮。領袖蓬
瀛上。淵源漢魏前。尊彝崇法物。鐘鐺考宮縣。清廟朱絃
淡。明廷白璧園。羣材趨匠石。巨手斲輪扁。納履慚初學。
升堂揖大賢。龍門依杖屨。蟻術課丹鉛。跡爲依劉穩。名
叨說項傳。羽毛邀假借。規矩得周還。杜曲尙書鳴。蕭齋
弟子瓊林亭。規賭墅花木。麗平泉鄴架。籤論萬曹倉。卷
累千霧函。分宛委寶笈。聚娜嬛砥室。挑燈坐重簾。下榻
眠一紙。奇肯借三篋。秘寧鍵貧眼。驚羅貝飢腸。飶割鮮
聽遊烟海浩。更指軌塗平。北轍無紆軫。南針有捷阡。鼓
中棲鵠矢。視後收羊鞭。檄命陳琳草。文憑任昉編。每教
頻易稿。代擬未完篇。結構排文陣。淋漓衍筆椽。一裘狐
腋集。九曲蟻珠穿。窗紙呼蠅出。車輪嗜蝨懸。弗辭三折
臂。索解九方歎。點有成金鐵。拋真引玉甄。不調還解瑟。
得意並忘筌。癢處烏搔快。癢痕獺補痊。乙鴻精鑒別。五

雀定銜銓。相賞頻攜酒。從游或扣舷。門庭高座獨。絲竹後堂專。仕版登初地。樞曹忝備員。喜供文字職。仍侍斗台躔。插羽宵催贖。濡毫曉奏箋。詔麻頒魏闕。軍檄定先零。事集中書省。才慚上水船。漏沉鈴動索。燭炮炬分蓮。鞋底遭非辱。詞頭改愈妍。斧邀修月快。斤到運風遄。清蹕車同扈。黃沙帳更聯。山深秋落葉。夜永月臨邊。旅跡隨征騎。鄉風話叱犍。銖炊塵滿甌。野宿幕支椀。矮几東西列。行牀上下連。癯常餐互勸。病或藥親煎。吟撚枯髭禿。書呵凍手攣。影形同鉅蟹。踪跡比夔魃。賓主家人誼。門牆宿世緣。百年人草草。一別淚濺濺。梁木俄傾折。刀圭漫祝延。

至尊親哭臨。諸老各悲牽。美諡榮褒袞。崇祠肅饗籩。尚方營斂具。內帑治喪錢。國有良臣誅。門淒坐客筵。升榮魂豈復。負土手甘胼。子立身如贅。單行步每遭。疲牛仍輓磨。孤鴈忽驚弦。鎖院簪毫地。周廬待漏塵。豈曾潘鬢老。共謂旭書顛。輟直歸西掖。投閒類左遷。雀羅貧宦味。蠹簡腐儒拳。仰屋重探學。扃門自省愆。叢編勤獮祭。殘卷剔蝸涎。濩落官雖退。摩挲腹尚便。書成楊子詭。調絕伯牙絃。慧業空期佛。凡胎孰識仙。贗珍乾鼠璞。魔噪野狐禪。虛燄方熏灼。遙源肯泝沿。蒙頭聊瑟瑟。縮貴耳在轟。

闔。彌。憶。援。垂。手。頻。傷。企。及。肩。敬。容。殘。客。感。宋。玉。大。招。虔。
 老。輩。真。難。得。餘。生。益。自。憐。重。來。尋。步。履。回。憶。荷。陶。甄。人。
 寂。廉。公。市。莊。荒。陸。氏。田。門。庭。涼。似。水。履。舄。散。如。烟。琴。忍。
 雍。門。鼓。碑。難。峴。首。鑄。身。原。飛。退。鷓。情。比。噪。寒。蟬。無。復。聆。
 揮。塵。空。思。効。昇。衡。師。資。今。已。矣。宦。迹。益。辱。焉。歎。逝。情。彌。
 切。酬。知。願。柱。堅。惟。憑。修。綆。汲。還。炷。瓣。香。燃。文。苑。芟。榛。莽。
 書。城。築。澗。瀝。表。餘。論。播。纘。述。緒。言。綿。壇。坵。為。標。幟。江。
 河。助。障。川。浮。談。吟。絕。學。溯。河。先。後。死。文。終。托。先。生。
 道。未。捐。遙。遙。千。載。證。空。元。
君古學多得力於文端感恩
知已故不覺真切詳瞻故

感忠寺石壇相

宗征高麗回瘞戰骨處

古。寺。重。簷。閣。平。臺。五。尺。墩。征。東。功。已。渺。恤。下。蹟。猶。存。貞。
 觀。方。開。國。高。麗。失。奉。藩。六。師。爰。出。塞。萬。乘。自。攻。垣。斬。獲。
 軍。雖。振。傷。亡。士。亦。繁。歸。途。收。葬。慘。御。筆。祭。文。尊。不。凜。佳。
 兵。戒。徒。矜。掩。骼。恩。一。區。開。作。塹。萬。骨。聚。為。屯。豈。乏。功。臣。
 狗。兼。多。君。子。猿。忠。皆。兵。死。鬼。哀。到。國。殤。魂。碎。或。如。蛇。蛻。
 殘。猶。帶。犢。禪。生。無。半。面。識。死。比。並。頭。婚。畚。鍤。填。泥。築。蘖。
 裡。帶。雨。掀。結。蒲。工。不。暇。裹。革。例。難。援。聊。免。飢。烏。啄。差。無。
 餓。虎。躡。首。邱。終。未。遂。京。觀。詎。同。論。想。見。緡。經。座。曾。招。剪。
 紙。幡。歸。隨。遼。鶴。跡。啼。有。蜀。鴉。痕。陰。陣。空。中。嘯。靈。旗。夜。半。
 翻。血。風。臨。穴。臭。燐。火。滿。壇。昏。邱。貉。屍。難。認。沙。蟲。命。總。冤。

異鄉悲瘴旅故國羨歸元幸托空王近能拯新鬼煩叩
鐘開魘夢施食慰饑殮喚醒沉冥路來皈清淨門枯骸
滋法雨厲氣散朝暎事往今千載詩成紀片言由來戰
爭地枉死徧郊原

工力完足無一懈筆保卷

飲倪敬堂少僕寓齋次韻

仗有通宵飲能消急景馳酒監三約法鬪戲七稽疑燭
影翻燈海甌香淬茗旗醉歸應犯夜已是曉鐘遲
古來名利路行者盡如馳作婦公孫衍為卿子叔疑酒
兵君拓戟詞壘我舉旗一笑皆迂客生天未免遲

與耐亭寄園步月

官暇無公事交親有比鄰荒園三畝地明月兩閒人語
味清談雋詩情白戰真誰知人海裏得此豁襟塵

哭汪幼泉民部

不謂吾師後驚傳冢嗣俎門庭望弓冶名字是醍醐官
未施行馬人猶愛及烏盛衰何限感賸有淚痕枯

再出古北口

紫塞秋風緊凌寒踏曉霜潦餘沙盡白關外柳先黃飲
馬長城窟呼鷹古戰場平生登覽興敢惜髣毛蒼

氣格

扈從途次雜咏

帳房

陸居那有屋布幕幕荒腔地恰規方丈天惟隔一層常
分茅店月敢擬幔亭燈風雪聊堪蔽求安本未曾

風旗

帳房所在各立
旗以為識別

危竿旗色別即此是心旌不畫龍蛇動偏分赤白明遙
知戎帳在略似酒帘輕人馬皆能識於斯悟用兵

土竈

掘地
為竈

莫笑塵生甑由來掘地炊柴燔無老婦蓐食似潛師詎
仿風爐製聊存土鏗規行圍非禦敵不用減增為

晃燈

夜則懸燈於
竿亦以識別

懸燈形製異識別為宵行陸地成星海荒原列火城方
圓無混雜三兩各分明訝許冰霜夜何來萬點螢

矮桌

高惟憑寸木方豈僅三隅攤卷宜卑論摸稜敢短踰當
筵跌坐慣隱几鞠躬叻或作齊眉案侏儒所必需

馬繩

繫大繩於竿
所以拴馬

曠野無閑廐長繩繫短椀似將綿葛禮欲範跡跡才也
比金羈絡非銜鐵騎枚繫維終雅意為恐遠颺開

短褂

短後衣原古戎裝稱服驂十圍腰欲露半臂手難函古半
臂之製
想類此褻袂雙非隻明衣一可三褻袂短右袂此則兩袂皆短明
衣一身有半此則僅半身而已焦

僥如著此或尙覺麤麤

戰裙

縛處藏紈袴披來露繡褶何須白練製略竝錦韉長衣
反居裳內男偏作女裝裙腰青草色相映道途旁

割草

木蘭中遍地皆草既佔地即割其草以秣馬

行。雍。聊。除。地。兼。堪。秣。我。駒。不。攜。三。品。料。但。束。一。生。芻。木
草最肥飼馬不用豆詎。剡。陳。根。盡。愁。逢。野。燒。枯。倦。來。思。小。憇。還。作。綠

茵鋪

打柴

木蘭中各取山木為薪無禁例

糧。有。牛。車。載。薪。寧。馬。矢。燒。材。原。多。械。樸。園。不。禁。芻。蕘。劇
趨摧枯勢膽乘射的颺日斜方待爨莫作爛柯樵

唧嘍喊

謂喊叫者營中禁此甚嚴置卒巡邏

肅。肅。鈞。陳。靜。司。囂。按。路。稽。跡。如。尋。響。卜。威。可。怖。兒。啼。日
落。惟。鴉。噪。風。清。或。馬。嘶。無。譁。見。軍。令。萬。帳。出。聲。低

買賣街

賈人隨營設街貿易

負。擔。來。成。市。熙。熙。為。利。忙。屢。疑。夫。布。製。列布帳為市屢貨。取。子。錢。
償。也。似。趨。墟。鬧。居。然。列。肆。長。見。珍。因。物。罕。敢。怨。價。增。昂

入木蘭久則物益少而價益昂

棒椎峯

在熱河平岡上突立一峯如椎俗稱棒椎峯

峯。頭。驚。子。立。石。筍。忽。然。生。頗。似。金。莖。狀。殊。慚。玉。杵。名。空

中禪棒喝月下搗衣聲遠壯行都色孤標接太清

達巴罕

蒙古語謂高嶺也

蜀道難真見青天一線通人行飛鳥上馬踏亂雲中一
落愁千丈三休到半空更憂輜重阻露宿滿山風

每過嶺輜重難

行或遲數日始追及

關中戲咏藍筆

未解題紅葉常教蘸碧甌墨朱俱不近皂白總能酬蠅
不污人壁螺寧冀佛頭由來管城子封邑在青州

架少珊瑚製牀宜翡翠鐫幾行分漢幟數點散齊烟禿
到三條爛圈成萬選錢聚奎清閼處直作蔚藍天

里中杭生洵潮先友杭雲龍之子其兄延宣又余

五友中之一也父兄皆歿來京相依詢知先友

黃季游楊新友及潘本仁諸老人相繼物故感

賦二首

父兄皆棄世千里一家拋年僅逾髫鬣貧思覓斗筭世
無朱郭俠我忝紀羣交相對惟滋愧無能代治庖
桑梓懷耆舊頻年感逝波昔遊如夢短新鬼比人多名
僅聞鄉里身皆老輒軻柳州先友記石表待鐫磨

錢茶山司寇以大集見示捧誦之餘敬題於後
已擅巍科最兼期不朽垂王瞻碁射酒鄭老畫書詩身

本有仙骨學仍無斷時始知名世者未易淺人窺
欲識通懷處談深引濁醪人如東晉達才有大蘇豪偽
體別裁盡真靈位業高幸叨鄉後進請益敢辭勞

贈吳鑑南民部

癡絕吳民部詩才迥不羣官貧常數米客到便論文似
舅何無忌君為商寶意甥為郎揚子雲沉冥寧用歎佳句已流聞

觀家人醃菜戲成四十韻

物產推安肅秋成慶阜豐劇來樊圃畔輦集藁街東民
幸無茲色儒原稱此風灌憐園叟苦賣厭市牙訂碧葉
經霜綻嬌芽帶雨芄略同二韭品不雜五葷叢細異辛

堪薦肥看甲不衷蕉心包宛轉藕脆研玲瓏瑩白光凝
外含黃美在中洗隨銀指滑截愛玉肪融搗嫩先冬筍
嘗新竝晚菘節鹽同日貴塵甑一時雄賣處爭求益挑
來各禦窮春盤猶未設地窖或還烘剝似層層籩堆疑
寸寸葱酒餘西爽送饌底下陳充入粥成羹沸為齏用
火攻。莖時薑桂糝醱後麴糟蒙生熟俱宜口清腴詎鼓
隴儘多回美味兼有解醒功蔬漫龜絲綠葵輸鴨脚紅
茹蔬貧宦慣蓄旨內人工食肉曾嫌鄙飢腸故久空珍
藏登瓦缶賤價倒筠籠嚼饗屠門快烹矜鼎養隆煮分
煨芋火切傍點菹筍入腹隨藜藿呼山免鞠翦餘甘施

婢獲均惠到兒童。尙愧遺羹遠。聊矜宰肉公。祭修尼父。豆齋比太常。官才本胡蘆。樣餐勝苜蓿。叢恰宜疏食。澹何取。簋殮饜名。敢元脩。獨貧甘庾杲。同侯鯖。羞挾瑟。官鮮陋。郵筒自愛枯。僧味還慚老。圃躬咬根心。故淡送把意。彌崇鄉思懷。櫻筍生涯感。梗蓬歸猶慳。杞菊嗜敢望。魚熊已免黃。精刷兼資白。粲薯俯看益。益滿吾亦富。家翁

三月十三日程叢園舍人招同錢籜石辛楣兩學

士曹來殷編修王述菴比部吳白華庶常陸耳

山家璞函舍人各攜壺榼陶然亭爲展上巳會

分賦

淺水蘆芽嫩。平隄柳色新。城中如野外。酒客盡詩人。會尙名修禊。遲兼當送春。還期消暑飲。重此滌襟塵。

題吟薌鏡影小照

白毫光滿月。不是結跏人。才擅詩書畫。心參形影神。寧同化身幻。恰與故吾親。想見澄觀處。匡廬面目真。

賦得紅藥當階翻

甲戌試中書
題得書字

薇省韶華麗。名葩燦玉除。地當承露處。花是殿春餘。映日敷紅艷。因風動綺疏。影搖青瑣闥。光映紫泥書。非謔偏如贈。將離若故徐。過甄陰不定。傅粉畫難如。清切仙

墀內舒長晝漏初 綸扉方視草恰對五花舒

賦得賢不家食

辛巳會試題得
同字五言八韻

聖治光昭日英賢奮跡同館餐方異數家食詎高風自
有千鍾粟寧棲一畝宮指困辭里友抱甕謝園翁鱸拜
蓬池上羹和寶鼎中酌泉逾表潔宰肉故能公簠簋惟
加飭厘困豈愧豐願常懷澹泊仰報 國恩隆

五月斯螽動股

蕤賓迴緹籥翹宵起螽斯未振詵詵羽先看趯趯姿動
無肱折慮響出足音奇錯訝鳴雙翼從知暢四肢詎矜
超距勇似演踏歌詞健不當車轍輕難立釣絲化叅魚
躍共技豈驚趨隨

聖德徵揚謝羣生以息吹

竹箭有筠

壬午考試差
題得書字

翠篠榮嘉植蒼筠竟體舒文堪彰外美心本蘊中虛新
雨抽萌後清風解籜初光分水蒼玉功在汗青書麗到
疑斑處嬌含帶粉餘詩筒鑄易就墨筆畫難如白覺菁
英煥何嫌節目疎猗猗堪咏德

睿賞寄林筵

月中桂樹

壬午順天鄉
試題得香字

月殿森嘉植敷榮玉宇涼淨根寧著土老榦久經霜不

識何人種常留太古香。花真能四照，譜不入羣芳。賜木
應輸秀星榆，敢較長味增丹杵。藥艷映素娥，妝信識千
霄迴應多。滉露灑藥珠。宮闕朗攀折，許吳剛。

春蠶作繭

節屈條桑過春蠶，上簇肥錦心真欲嘔。筍腹詎愁饑，一
縷輕抽緒千層密。作圍有綿非霧縠，無縫亦天衣道協。
藏身固功成，化羽飛文章五雜。組經緯七襄機，蛛網懸
何益鮫綃購亦稀。

皇仁宏衣被，挾纊萬方依。

試帖中有此神化之句

德車結旌

行旌昭物采，表德異戎車。豈之旒，堪綴匪伊帶。有餘綉
衡轅共曲如，組轡同紆。蘊結心能繪，飛揚氣已除。不鳴
風獵獵，恰映日徐徐。略似垂纜屈，寧同析羽舒。洵覘文
治盛，想見武成初。以樂堪為御，和鸞仰翠輿。

題程尺木上舍夢雲圖

非想非非想處是誰引，入吟魂正逢洛浦。拾翠忽踏鄂
舟到門一幅，唐人小說九分莊子寓言。人生若非夢境
安得副此情根。

仙游也復多恐好境原難久，棲欲到還防風引。再來兼
怕路迷涼人秋在天末，催客月落花西始悟癡萍逐水。

不如禪絮沾泥

廷賢校字

隴北詩鈔五言律二

陽湖 趙翼 小雲崧

常山道中

古路依山關參差柳影疎川原分楚越水陸縮舟車旅
店房分鶴擔夫跡貫魚近南時令早三月已耕畚

樟樹鎮為王文成誓師地

藩邸粹稱亂文臣此誓師倉皇臨大變智勇出良知烏
合乘城日狐疑返旆時從容樵舍縛儒者事原奇

鎮安土風

宦轍經年到郵籤萬里修地當中國盡與安南接壤官改土司

流明時土府岑姓本朝始改流

峻坂愁雲棧

路從蓮花九嶺而入最險仄

孤城彷彿月鈎

城惟東南西三

面北則倚山也

近邊多候吏按部半番酋

所屬有四土司

密箐千尋木寒泉

百丈湫

泉自鑿隘山穴中出性極寒

四時無落葉

一雨或披裘

瘴要澆胸

魄

中瘴則胸膈飽悶

妖會紀肉毬

相傳府衙有肉毬肉脚之異見府志及說鈴

深宵蠶蠶放白

畫虎佞遊魑客從人雇狙公作盜偷蠻方天混沌

語

鳥鈎斡儂姓還豪族葦家說故侯

地多儂葦二姓儂則智高之後輩則相傳淮陰侯少子蕭相國

以托南越王其子孫散居蠻上去韓之半以葦為姓者也見溪崗織志

點唇傾汁染約臂釧紋鏤跳月

粵東買此者多娶婦立家

墟爭趁嬰春俗善謳儷皮齊贅易握算賈胡留

多娶婦立家

郵婦無弓足山農總帕頭性愚供使鹿見小重多牛籬

壁穿多穴

貧民編樅作牆塗以泥多穿漏如雞落

欄房隔作樓

欄房上層人所居下層畜牛馬

燒畚灰

成把不刈藁積

箸包鹽有滷菹嘗菜成油

以諸菜及牛羊骨實甕中久則爛成汁謂之嘗菜酸臭特甚土人以為

美犬肉多於豕

墟場賣犬以千百計

檀薪賤似楠

山木供製雖紫檀不貴也

鷓鴣羹味

薦蛤蚧藥材收糴膽從蹄剔

石羊膽以在蹄心者為貴石羊即糴也

豬豪激矢抽

野豬豪似錐能射人百步外

山羊因血捕水獺為皮搜石斛花論價

出奉議

椰麪可洩

出下雷

竹根人面活

向武有竹其根似人面

藤杖女腰柔

大筥可中多萬年藤可

以作杖

物產真驚見民情易給求挂魚官閣肅羅雀訟庭幽

閒倚半山閣

署中獨秀山半有亭可以眺遠

時乘獨木舟虞衡稽桂海草木

訂春秋詩已傳邕管官非謫柳州勉修循吏績撫字輯

遐陬

楚雄守秦岵齋留飲即贈

長安稀會面相見。百蠻中人地推秦。望江山得楚雄籌。邊論兵略為吏守。儒風使我忘羈旅。深談刻燭紅。

遮放

蒼莽西南路軍行。此駐駢妖星天狗落。毒蠱夜蠶飛。五色有浮瘴。四山如合圍。功名須絕域。敢憶釣魚磯。

干溝

地阨多蒸鬱。催鞭趁嚮晨。瘴氛頭痛國。瘵俗頸粗人。霧濕常疑雨。泉溫不待薪。尤防香氣過。閉息伏黃塵。

黃州大灘謁伏波將軍廟

功名非水戰。祠祭乃江濱。直以將軍號。長為水府神。蠻方銅柱界。漢戶馬流人。何必雲臺像。千秋廟貌新。

我來祠下過。江水正蒼茫。石齒千堆雪。灘心百沸湯。據鞍餘矍鑠。裹革想飛揚。彷彿英靈氣。洪濤共激昂。

鹽隘塘驛舍小憩

偶然留駐馬。地僻愜幽尋。古木翠圍屋。夕陽紅滿林。山雲沒骨。澗水不絃琴。頓覺忘塵鞅。悠然生道心。

黃漢卡檄安南官勘地

中外毗連處。居民起細爭。壁先曾假許。田豈得歸祊。一筆鴻溝畫。千秋馬角生。番官虔奉約。誓守載書盟。

國計宜柔遠邊臣重守疆古來憂厝火多起釁爭桑虎
落新分界抵籬謹立防銷萌無跡處庶以固金湯

平江道中

放棹滄江穩春隄草色新山牛多似蝨沙鷺立如人湖
海名何有烟波意自親中流澹容與暫此豁襟塵

接同年黃畢望書知其以暗疾去官來主韶州講

席賦答

省垣風雅最何事去官歸畫筆崔青蚓詩名杜紫薇暗
非河渚疾和本郢人稀守默原前訓摩兜省是非

山水韶陽好門生共昇監傳經多筆授對客有碁談詩
豈吟方就禪原默可參無言桃李樹已遍嶺梅南

詩字字切暗疾雋妙乃爾

祭南海廟禮成二十韻

袂祀南溟重時維月孟冬扶脊襟粵會廣利紀唐封地
在九州盡王為百谷宗周廊簷四角複殿陞三重環楯
威嚴勢垂旒肅穆容介鱗森拱衛禕翟配印王夫人亦有像巖
肩穹碑壯波羅古樹穠玉書無跡考銅鼓有聲春吳萊古蹟記廟
有玉簡今不可考惟是夕宵氛淨中天月色濃蕭薌升鶴燄炬
林靄所獻銅鼓尚存火似鰲峯濤戢冰夷怒風收颶母凶星河垂角絡劍佩
集蹤塔蜺節悠揚動金支颯沓從羣靈朝貝闕萬派匯

珠深腥氣蜿蜒隊。陰光彷彿蹤。工歌翔鶴鵠。人立舞魚龍。宴娛神應喜。歆居禮益恭。不揚占浪靜。善下豈堤衝。水線安估客。潮田阜澤農。永昭清晏德。於廓助時雍。

莊重稱題枚

題陳望之太守長林遠望圖

寂歷長林下。惟應靜者論。中州詩派嫡。前代黨人孫。陳定生

孫徙居商邱柳暗湖脣影。苔深屐齒痕。超然吟眺意。晞髮向朝

暎

廣州候代同沈秀才鳳翥吳畫士雲遊羅浮

得暇羅浮去。扁舟發夜分。月華涼在水。山影澹於雲。詩

思遙相入。秋聲寂不聞。出門纔數里。已覺豁塵氛。

努灘

疊疊危磯盡。江心截急渦。千尋鍊交鎖。十萬劍橫磨。篙逆濤頭刺。舟穿石罅過。難名應記取。努力慎風波。

苗人

侏儻言不辨。椎魯意偏真。混沌猶無竅。榛徑略似人。千針縫衲細。百褶製裙新。莫笑鬼方陋。淳如懷葛民。

水城

百里蠶叢盡。孤城帶碧川。地偏無古蹟。山豁見平田。莊叟無何境。仇池小有天。如何此佳處。拋落獮人邊。

再遊葡萄泉作

噴碧泉成串疑通海眼生我慚臨水照他是在山清未
可龍珠挂偏宜馬乳名挑來試新釀會及臘醅傾

江行

風細江行緩中流日暮時遠帆如不動寒月故相隨巴
水來三折湘雲望九疑從來騷客地遺跡令人思

曉過儀真

九日江干住今辭燕子磯浪隨殘雨盡船趁退潮歸孤
月寒相照問雲澹不飛到家堪計日猶及試春衣

送馬沅亭歸里兼寄邵耐亭

萬里相隨久歸仍共一艖詩多成筍束人瘦似梅花客
窘慚為主途長喜到家憑君先寄語一問邵平瓜

潭灣曉發

邪許喧開櫂冥濛一望中江雲殘夜黑海日五更紅巢
鷗驚棲憂潮雞喚舞雄當年曾擊楫慚愧漸成翁

樂句突過盛唐誰謂雲崧不講格律也故

五日郡城觀競渡

蒲酒觴初泛榴花火欲燃歲華當夏五戲事到秋于珠
翠中流舫笙歌徹夜筵歸田吾過分正及屢豐年

聞王協和總戎之訃

裹草原初志驚聞折將旗。虎飛曾食肉豹死亦留皮。殺賊髯應磔臨戎甲不披。可憐分手日本不問歸期。

舟夜

寒戀重衾卧舟行何處溪孤燈殘夢蝶落月滿村雞作客將衰矣懷人正渺兮櫓聲將斷處已到草堂西

戲咏老少年

自是寒能健休嗟老尚童。雞皮三少候鶴頂百年功。晚照散餘綺衰顏發醉紅。蘇詩兒童誤喜朱顏在一笑那知是醉紅西風黃葉裏暗慰

白頭翁

再題小倉山房集

只擬才華艷誰知鍛鍊深殺人無寸鐵惜墨抵兼金。古鬼忽聞泣飛猱不可擒挑燈重相對何許妙明心

汪時齋民部奉太夫人喪歸里道經常州相見道故兼以文端師遺集囑余編訂付梓卽事感懷

泫然有作

十載驚相見停舟古驛旁麻衣俱似雪蓬髻各成霜。曉闌尚書履宵燈弟子牀前塵重撥觸洒淚滿河梁

屈指論交舊真逾骨肉情十年同筆研兩世互師生。余鄉文端公門時齋兄弟又從余受業書館依劉跡詩壇說項名重逢歐叔弼能不話深更

述菴到常適袁子才亦至遂并招蓉龕緘齋魯斯

讌集寓齋卽事

邂逅名流集朋簪此會奇我當師北面客似醮南皮扶
醉花頭下聯吟燭跋時聽談軍府罷騷壘又張旗

好句欲仙保泰

丹陽道中

曉發丹陽郭春波綠上篙河分江溜急岸似峽門高官
路新舒柳

君恩舊賜袍迎 鑿何敢後廿載俸錢叨

程晴嵐太史招飲荻庄卽事

小築堪尋勝湖干第幾灣是村仍近郭有水可無山疎
密花千樹廻環屋數間主人頭半白養靜作禪關

破寺

楚楚鐘魚院何年遂式微卧苔碑沒字支木屋無扉古
佛蛛牽網殘僧蝨滿衣空門亦興替小立弔斜暉

渡太湖登馬蹟山

元氣混茫間雄觀上碧孱無邊天作岸有力浪攻山村
暗楊梅樹津開苦竹灣離家纔廿里垂老始躋攀
地是夫椒舊兵戈久已岌漁歌秋水杳人影夕陽高放
鴨船通港浮鼃石漱濤何當一椽築晏坐息塵勞

唐

東臯露坐

浴罷渾無事東臯候月明涼生秋有信濕重露無聲蛙
鬧當更鼓螢多似火城野夫閒富貴或謂勝公卿

野泊

野宿依叢葦寥蕭水觀澄疎砧秋巷杵遠火夜船燈暑
謝平頭扇涼催半臂綾倚舷趺坐久纖月吐微稜

四月初一日營葬事於馬蹟山禮成敬誌三律

頻歲憂窳安今纔構一阡湖山傳馬蹟塋兆得牛眠丙
舍營猶待隴岡表僅鐫可憐安厝日已是服除年

多謝術家言佳城蔭後昆敢因藏父母更想福兒孫祭

掃編家法哀榮紀

國恩他年吾補葬死亦奉晨昏

色養慚多缺惟茲地頗佳神靈應陟降山水最清華或

可垂千禩何須置萬家惟期一廬築終日誦楞伽

為長兒娶婦

五十始稱翁今朝喜氣重何時畢婚嫁從此學癡聾花

燭粗成禮門楣奠九宗朝衫吾久疊一為啓塵封

贈蓉龕

前輩風流在吾鄉只此翁無錢偏作達每事必求王具
饌常留我論詩輒憶公何當一爐火相守歲寒中

莊蜚英同年索詩戲贈

里社尋同榜南華有散仙居官甘下考娶婦已中年食
是書中粟歸無俸外錢曾嫌折腰苦偏折鏡臺邊

生事

生事漸蕭然年荒剩石田薪燒連葉樹飯待作碑錢僮
少將兒使家空恣犬眠微聞奴僕話列鼎服官年

屏跡

屏跡無塵事空庭綠滿苔杜門閒客散攤卷古人來茶
淪大團月琴彈小忽雷經旬少詩思或待牡丹開

好句天成舟

太湖口守風

泊舟羅步港風勢正喧騰白浪無人渡青山似馬來野

香花信報春色燒痕回隱隱祥符寺遙聽粥鼓催

雄傑

村居

門掩綠蘿陰團蕉晏坐深新詩多杜撰舊帖有唐臨不
管飢腸吼惟知抱膝吟家人竊相笑黃蘗下彈琴

咏史

食椒能幾粒八百斛猶貧杜署摸金尉先為入草人但
知烏攫肉豈悟象焚身何事狂奔者依然覆轍循

納涼

盆池新浴罷雨過淨遙空霞色隨孤鶩秋聲在一蟲移

風過處捲幔月明中晏坐生禪悅此懷誰與同
坐久渾無暑濛濛露氣侵殘燈三鼓暗斜月半牆陰人
老如秋到詩成已夜深虛堂清不寐一再撫瑤琴

連日飲晴嵐家賦贈

哀晤連旬日深叨地主賢家多佳子弟身是老神仙杯
續過牆酒詩成湧地泉晚香風味好正在菊花天

哭蓉龕病歿杭州

鄉邦年最宿臺館職皆清老尚好丰采貧偏富性情琴
樽前輩韻月旦後生評何事西湖去俄驚笙鶴迎

漁梁驛韓蘄王擒劉正彥處

地險漁梁驛狂酋此擁師雖非大敵勇正值小朝危一
戰無遺寇偏安有始基江流千尺岸故跡令人思

建陽市謝疊山賣卜處

出亡悲故國忍死爲衰親托業重三卦埋名陽九辰滄
桑爻象變薇蕨課錢貧始覺成都市垂簾是幸人

食荔支

百顆新登市無煩驛騎馳肌膚姑射白風味玉環肥頓
覺清芬溢先令暑氣微老夫情不禁爲脫絳羅衣

廈門大風望海卽事

海聲連日吼颶母發狂飈信有水皆立兼疑山亦搖樓

船依古嶼烽火隔秋潮安得鞭驅石排成萬里橋

食江瑤柱

荔支曾飽啖瑤柱此新嘗味美勝熊白形潛似蠟黃孤
撐非獨骨相倚有連肪口福吾滋愧居然服玉方

冲祐宮

水複山環處琳宮綉彩霞路疑毛女洞地是羽人家丹
竈鎔銖火茶經粟粒芽何當息塵鞅晏坐讀南華

抵家觀競渡

一載參戎幕今纔返釣游幸非歸馬革猶及看龍舟簫
鼓喧河市烟花映水樓故鄉終覺好只合老菟裘

張荷塘明府訪余揚州不值留詩集見贈寄謝

枉訪偏相左瑤編荷見貽官為強項吏詩比折肱醫聲
氣三生癖江山六代奇何當遠來謁各慰十年思

瓜洲江上遇欽齋制府歸樞哭之

告別纔春夢哀音到及冬勤勞軍事戴贈卹

主恩濃身遍八州督官還五等封恩旨給還昭信伯飄飄丹旆返

江上泣相逢

胸次有千卷目中無一人面常寒似鐵鬢已白如銀料
事洞觀火防奸濕束薪曾師張太岳或果是前身
人情憎貴侶

帝眷鑒精誠久擁八駟唱頻驚五鼎烹公兩入詔獄

賜環無

喜色仗節又威聲海國終資奠功收救孟明

臨分尚留客為未了儲胥失我渾身膽催公發背疽公以

歿歸艤長路冷贈賻故交疎何限存亡感憑棺一慟餘

吟薌歿於京邸其子孝方扶柩過揚廿年老友遂

成永別憑棺漬酒不自知涕之無從也

歸樁來千里嗟乎我瘦銅神清如叔寶詩峭學涪翁

偕隱言猶在聯吟願竟空長安重回首曾共一燈紅

久趨薇省直終乏草堂貲死有飛蠅弔生常借馬騎又

停方朔米誰斲蔡邕碑稍幸名山業刊成廿卷詩

聚散真難測交深會忽怪幾年同硯席一別邈河山官

閣論文罷蠻江送客還豈今纔永訣廿載隔容顏
余在廣州時君

來數月別後遂不復見

寄晴沙

露冕猷方壯循咳跡早還詩兼雙井派家傍二泉山雖

覺顛毛白猶欣綵服斑遙知色養暇瀟灑有餘閒

我亦離塵事深愁染素絲早為鴻羽漸恰共虎頭癡問

雨隨農父臨流作釣師江湖須我輩歌咏太平時

舒城有感於周公瑾道南推宅事

一見心相許交深意氣中霸圖初草翔年少兩英雄名

已君臣定情真骨肉同道南何處宅千載想遺風

夜宿棲賢寺

一宿招提迥山空夜更清餐分僧粥淡光借佛燈明呼
吸總雲氣夢魂猶瀑聲人間惟此境寂寞少人爭
到此絕塵慮兼忘陟險勞不眠同佛醒無語覺僧高月
影空庭藻松聲半嶺濤清遊恐難再題壁一揮毫

岳母墓

岳侯茲負土千載塚嶙峋好母生賢子忠君即孝親棲
霞翻裏席防墓幸鐫珉應慰劬勞意祠官尚薦蘋

問之寺
僧今尚

祭于

庾樓

危欄瞰無地千載庾公樓吳楚天南界江山國上游已
無塵汚面尚有月當頭想見賓僚讌新亭笑楚囚

送億孫入京補中書

是我歸田歲看君出仕纔釣遊雖雅尚館閣正需才著
述成家久江山攬轡來秋風方颯爽十幅布帆開
舊德尚書重華資學士清龍頭家故物鳳沼宦初程暫
草綸扉制行題杏苑名烏衣門第在待爾振英聲
薇省吾曾直歸耕跡久違紗誰籠壁字笥已疊朝衣去
國桃千樹流年柳十圍巢痕想如舊回首五雲飛

鄉國稀同調。惟君結契深。文章千古事。甘苦兩人心。此去關河阻。吾衰歲月駁。尚能重見否。不覺涕沾襟。

報恩寺塔二十四韻

傑構崇千尺。前朝一剝等。事因慚德起。財以報恩殫。欲借葦蒿感。聊漁骨肉殘。天開新翠堵。地鎮古長干。戰伐矜餘力。莊嚴出大觀。輪蹄精衛運。埏埴女媧搏。遂蠹浮圖峻。平臨象緯寒。九層危折屐。萬堞俯憑欄。采棟霞連紫。琉璃日耀丹。江山窮遠目。金碧駭飛翰。勢極凌虛迥。工尤入細難。瓦紋浮翡翠。石質琢琅玕。梯級千栴轉。龕燈百盞攢。綺疏雲錦繡。畫壁海波瀾。累臂衣無縫。巧墻額豈癡。是誰都料匠。幾費管勾官。想見尖初合。爭訣績不刊。幽冥資薦福。靈爽慰貽安。不有捫心愧。焉成仰面看。直思欺佛慧。豈果得親歡。世已更碁劫。基猶鞏石磐。天樞唐折柱。露掌漢傾盤。獨此雄都會。常教聳戒壇。惟應歸佛力。恩怨總無端。

可型內弟自甌寧罷官歸慰贈

出宰纔三載。匆匆似掛單。腐儒爲吏拙。貧宦事人難。贏得顛毛白。聊嘗荔子丹。多君瀟洒意。餽破不回头看。只道琴堂好。全家可食租。翻無臺避債。幾置獄追逋。劉寵錢能幾。平原米孰輸。妻孥滯甌越。典賣到天吳。

憶會官沛上頗耐廣文貧臺有歌風蹟門多立雪人至
今思收藉轉覺勝勞薪諫果多回味知君念昔因

賴有西江潤能噓涸轍枯合姪合州牧印全我
償數千金始得歸始知家孝友堪

共命艱虞祖父遺風厚詩書食報劬得歸聊慰意先業
本寒儒

遊高旻寺贈清涼上人

來往頻年數禪關總未登誰知三寶地獨有一詩僧定
力降魔杵圓光禮佛燈從今已公屋每過好支藤
鹿拂安心處烟凝篤耨香稱詩才子氣持戒少年場芥
孔須彌座鈴言替戾岡神通羅什大開口喫針鏗

最是禪堂寂團蕉證淨因結跌成土偶緘口豈金人柳

或將生肘花應不染身出家殊太苦吾不羨修真是少觀衆
僧坐禪

船馬交馳處中藏地百弓始知虛室自能隔軟塵紅身
已安單穩才仍出世雄緇流三百輩齊守本師風

寓西湖十日雜記游跡

足跡半天下西湖夢每牽有山皆老樹無地不清泉昔
到會三度重來又五年扁郎如舊識迎我瘦筇前
居停借禪榻攬勝有湖樓才退無佳句年衰只近遊地
連衣帶水路穩木蘭舟來往從今熟思為結夏謀
不有空王力湖山孰別搔半千列羅漢百八吼蒲牢寺

大魔妖伏年深檜栢高。儒家空誘佛安有此雄豪。

孤山好林館丹碧映清漣。暮竹無山鬼春祠有水仙。馬

蹄芳草路人語綠楊煙。遙想逋翁隱當時尚未然。

雨霽波如拭。拏舟夜正中。天心孤有月。水面四無風。此

地真離垢。吾身已付空。始憐塵土夢。向日未消融。

昔人論勝賞。水木足清暉。泉有源方活。山無樹不肥。湍

流喧石瀨。濃翠暗林霏。此景惟靈隱。何須侈鷺飛。

南海梅檀像。西天梵唄音。寺因閱世古。佛亦借山靈。齋

粥僧千指。香錢歲萬金。是何津筏力。天福到如今。

雲樓吾未到。乍此踏芒鞋。十里入深竹。一菴依峭崖。齋

規平等法。物命放生牌。何許蓮池老。空門另立階。

送客風篁嶺。談深不覺遙。遂令龍井寺。遠配虎溪橋。韻

事成千古清。泉尚一瓢辦。才安可得依。樣亦難描。

憶乍迎。鑿歲湖山。渲染頻至今。亭館舊非復。畫圖新

鐵點無靈術。金剛有壞身。佛仙俱望幸。何況是齊民。

德生庵夜坐

晏坐佛堂深。燈殘漏欲沉。上方清淨地。獨客寂寥心。賊

不偷春夢。鬼能聽夜吟。是夕有所警故云湖光微閃動。弦月上高

岑

題余伯扶孝廉黃鶴樓圖

國十言金
崔顥題詩處危磯最上頭千秋猶傑句四海一高樓後
世才誰敵先生興獨游遙知豪氣溢俯瞰大江流

遊焦山贈巨超練塘兩詩僧

孤嶼中流蠹扁舟一纜維有天無地處過暑未寒時乍
到慚生客相迎有導師盤旋雲磴迥百級此探奇
境與世相隔滄波四面澄山如隱君子寺有好詩僧說
法神魚舞安禪怖鷓憑天親與無着相對一寒燈
蒼耳寧愁墮相隨杖錫飛江清天作底山瘦樹爲衣藥
物尋黃獨鐘聲出翠微尙嫌浮玉俗丹碧耀禪扉
山深絕塵跡禪侶似堽篋草茁知更歲花開必作詩幽
居憑鑿翠韻事出披緇享盡清閒福叅寥不自知
頻歲思探勝勞勞未得閒始知一塵海錯過幾名山衰
老遊纔果登臨力已孱何當來結夏長共掩禪關

西干故里

野景農家好西成候薄寒晚風牛背笛秋水鴨羣竿山
樹紅黃綠村醪苦辣酸年豐民氣樂相見勸加餐

祥符寺

地擅夫椒勝重來杖策登秋山黃葉路古寺白頭僧穉
稭占高廩琉璃續慧燈前朝留梵莢籤軸至今滕

寺有宣德中所

頌全部
藏經

澄心

澄心觀物化空翳掃無痕身具小天地名逾賢子孫老
猶薑有性貧幸菜餘根鎮日安跌處禪牀坐欲温

課兒輩

衰老無堪述清貧詎有貽惟將前輩事說與後生知家
法恬侯傳官箴聲叟詩箴金定何物徒益汝曹癡

渡江

復此橫江渡荒郊落木時關山秋滿眼風露曉侵肌白
小鮮宜汁黃團膩有脂豐年光景好比戶總恬嬉
一棹滄波晚孤征未息勞江聲連日壯山骨人秋高路
熟輕風浪年衰感髣毛往來何僕僕慚對廣陵濤

夜泛

清游趁良夜風露菴吟身天遠似連地月高偏傍人塵
氛一以爭詩境此焉真何處漁歌起寥寥古渡濱

時交夏至久晴難以翻犁地方有司亦斷屠祈雨
忽甘霖連至喜而有作

好雨如償券平疇待插禾世無郇伯久天怕杞人多早
聽驅秧馬寧嫌長麥蛾麥熟則生蛾先生輟耕慣亦且試青簑

揚州寓齋椿樹一株高五丈許數百年物也夏日
納涼了無暑氣作詩記之

檻外靈椿古繁陰五丈橫雨來無濕地夏至已秋聲借
蔭當張蓋驅炎省搭棚八千春最壽老愛此佳名
靜中觀物理似為便衰慵紅日將增暑綠陰亦漸濃因
高多宿鳥無艷惹游蜂晚飯經行處盤桓當撫松

傅文忠公以子嘉勇公勲封郡王追贈公如其爵

江鄉故吏恭閱邸抄國恩私諡感涕交頤敬

成四律

濟美分茅土追崇溯構堂相門兼有將異姓特封王不
數韋平盛真看帶礪長褒忠

恩命誰不弟沾裳

曠古真希見桐封累代榮世家蕭北府北府宰相之選王爵

李西平懋賞頒金策崇勲勒鼎鐫豈真因子貴公自有

忠貞

廿載黃扉地從容退食遲當時初不覺今日有餘思長
養人才出調和國脈滋昇平論相業圭組本非私

遠附王門瑟殊慚越分嘲六年東閣吏兩世北平交喜
聽新龍許重懷舊燕巢受恩貧賤日此意總難拋

渡江

又指瓜洲渡輕舟狎暮濤江山長不老名利兩空勞稍
喜張帆穩寧誇擊楫豪前途有蘭若一訪遠公高謂高峯寺
鑑和尚

老去要知止夜行殊未休已拋文字蠹猶作子孫牛大
夢誰先覺勞生敢自由漆園應暗笑夜壑苦藏舟

治病

壯健殊無疾俄驚體不康刀圭纔下藥癰疥欲成瘡誰
覓三年艾徒炊百沸湯及今猶可治急選國醫良

夏寒

正當驅暑候偏怯薄寒時夏日翻堪愛秋風似預支自
因水氣盛枉負樹陰垂執扇何須怨裘還六月披

蘇州元妙觀登三層樓

傑構雄都會重簷碧落邊地離天不遠道與釋爭傳紫

極宮垣峻青冥殿榜懸侈功窮土木壯觀奠山川臆俯
千尋樹香連萬井烟獅林人僅寸虎阜塔齊巔玉座三

清像瑤臺八洞仙圭裳班肅穆旌旆勢飛鸞岳瀆羣神
列風雷一氣旋猶龍宗派遠鳴鶴咒符先科律黃冠習

威儀繡被翩八琅天樂曲七宿斗壇筵丹篆雲霞古金
莖沆瀣鮮降魔椎作杵送鬼紙爲船別有披簑客相傳

脫屣年宋何立肉身尚存東牕看鼎鑊下界棄蹄筌地以仙靈著

人彌信嚮堅神都增盼蟹佛刹遜喧闐

萬乘巡曾駐三元會共虔周廊千步地列肆百區屢祝
卜筵篋集遊觀履舄駢種桃詞客句賣藥道人錢我躡

丹梯級來繙綠字箋市聲囂不到天籟咳相連眼廓三千界胸羅廿八躔置身霄漢上已覺斷塵緣

湖海

湖海生平氣徒悲兩鬢皤作詩新意少入夢死人多薄俗羶螻蟻虛名疥駱駝何當一藤杖空谷老烟蘿

讀杜詩

杜詩久循誦今始識神功不創前未有焉傳後無窮一生為客恨萬古出羣雄吾老方津逮何由羿彀中

用白傅虎邱寺路韻題思白堂

虎阜東西寺詩仙載酒頻時人稱公為詩仙見舊唐書本傳至今遊賞處又

有表彰人地較匡廬麗園更蔣徑新名流護名蹟應與

共千春

杜蘇鐙脚峙靈爽往來頗恰比三游洞何須九老人山川今視昔亭館舊翻新懷古情何限年年此地春

述菴司寇竹汀宮詹過懷杜閣寓齋小集

舊雨一朝集欣聯李郭舟若非憑勝地安得召名流幸脫龍蛇厄子才西莊皆以已年下世同為笠屐遊山塘人已說好作畫

圖畱

館閣青雲契林泉白髮年相逢非偶爾欲別輒凄然况是鶯花地而當櫻筍筵一尊同話舊能不重流連

春蘭禁體和呂叔訥廣文

霜雪亦青葱。春來發幾叢。有香羣草內。無色萬花中。粉氣薰常借。鉛華寫未工。幽人憐臭味。最喜素心同。

吳下諸生聞余至多以詩來謁頗費應酬率賦

偶此成流寓。何期戶屢盈。我慚無實學。人尚愛虛名。豈有傳衣付。殊勞倒屣迎。此邦風氣好。前輩肯心傾。

棲霞訪竹濤上人不值留贈

高旻推上座。鑑公弟子卓錫到棲霞。佛土重開境。僧詩一作家。

喬松雲氣古。奇石浪紋斜。採藥往何處。遲余過午茶。

四哀詩

前五哀詩皆於余有知遇之恩故記述稍詳而

同輩中文字性情之友已歿者尚有四人各記

五律一章為四哀詩

杭白峯秀才

老數平生友。終推舊學真。賄文期必勝。規過或相嗔。冷淡黃齏飯。癡狂白眼人。傷心一衿死。畢世未眉伸。

張瘦銅舍人

京邸留君住。寒酸共芋羹。劇談千古識。奇氣萬人英。校

試遺方叔

丙戌余分校春闈而君下第

歸裝薄陸生

君訪余廣州餽贖愧未能厚

生平慚負

處畱取卹孤惇

令嗣孝門等皆貧苦

家璞函主政

獻賦登華省欽試取中書從戎死戰場殉木果木之難與余同氏族愛爾

好篇章滇帳言千縷在海從軍與余同帳黔郵淚數行君隨溫將軍入蜀過余威寧官舍握別

豈知成永訣目斷蜀山蒼

徐秋園別駕

宦味皆恬淡風塵早息肩同為林下客時掛杖頭錢游戲昇平世消磨老大年祇今誰伴我顧影一淒然

接同年李雨村觀察書乃嘉慶二年十一月朔日

自綿州封發兼附雨林詩話十六卷採拙詩獨

多感賦四律寄答

不見李生久今朝接寸箋來原經萬里到已歷三年想像鬢眉老傳聞子弟賢京華舊遊跡振觸一燈前

天各一方遠年皆七秩餘料無重見日但望再來書豪氣應猶在交情故未疎採詩偏我厚百首累抄胥

此書前歲發蜀土尙無虞豈意魚鳧國今成豺虎區君京宦能扶老杖當作辟兵符莫是將軍號真教展壯圖日人呼

為小李將軍

得信知君在其如寇禍侵遙知驚夜火不敢嚮秋砧契闊同年面迢遙兩地心憂時兼憶友不覺涕沾襟

甓社湖隄守風

秦郵方掛席。甕社忽停舟。鬱怒風成塊。狂飈浪出頭。不圖險有此。自笑老何求。漸覺寒威重。呼童檢敝裘。

馮涇道中

間道出江郊。舟輕水不膠。一條河路暗。兩岸樹陰交。村火有時閃。漁榔何處敲。幽栖須地僻。安得此誅茅。

不覺

不覺喟然嘆。蹉跎愧此身。無窮千古事。只作一詩人。炳燭空勤夜。栽花已過春。茫茫天地內。斯意向誰陳。

秦望山道中

秦望山邊路。冬寒水落槽。蒲編包籠賤。地產蒲包石築堵牆牢。

過。籬船搔背。本成語燒荒地。燎毛鄉。邨淳朴象真。可隱東臯。

為偉兒得葬地於金壇夏蕭邨感賦

頻年謀葬子。今始得佳阡。地近三茅叟。名傳八洞天。吳茅峰

十餘里山光畫屏上。民俗結繩前。窀穸於茲定。應無憾九泉。

久不音容接。孤魂若箇邊。忽欣來蝶夢。恰報得牛眠。卽

抵筵。簞卜堪營堂。斧堅佳城得。安厝倘廕子孫賢。數年來兒久不

入夢是夕忽夢見之而買地成券之信適至

暑雨

暑雨今年劇。天容潑墨圖。頽雲張破敗。重霧呂糊塗。敢厭泥行滑。聊欣稻把粗。江湖無國事。惟有頌多稌。

衰態

衰態今年甚精神恍惚看燈前敲石火飯後問朝餐客
厭言辭復僮嫌服侍難只餘詩興在亦漸少波瀾
也識書何味徒虧目力微因之姑舍是忽又悵無依食
蓼蟲雖苦搬薑鼠豈疲笑看殘帙在吾與爾同歸

偕立庵瑩溪艤舟亭看辛夷花

玉蘭開一樹雪髯坐三翁頭似爭花白顏須借酒紅流
連遲夕照笑詠答春風亦自成清賞何嫌地百弓

不寐

一夜難安枕初更到曉烏撲蚊翻擊額搔蝨至傷膚我
豈有羶行渠偏善鴛趨茫茫天地內此輩詎勝誅

好雨

好雨栽秧早纔栽雨又添人工天總代秋稔夏先覘濕
壓青蓑重勻浮翠剡尖江南真福地穩放老夫潛
已驅秧馬遍寧藉土龍求狂吠增田蛤閒眠到水牛勞
皆忘襍穢兆已卜車篝并省豚蹄祝天心亦太優

南村坐雨

幾被老天吞雲濃裏一村懣雷聲在甕怒雨勢翻盆啼
怖兒收淚奔追客斷竟忽然風一掃夕照又當門

夜坐

初夕無纖月中庭坐露華繁星紅似沸穹宇碧無瑕浪
說支機石誰乘犯斗槎稚孫誇數典騙我劈涼瓜

早起

趁涼貪早起剛盡五更天月出衆星後鴉鳴百鳥先荷
鋤農適野打鼓客催船忽憶東華路車塵已似烟

毒暑

毒暑今年甚當空煽赤烏人將投炙甕天果作洪爐毛
竅珠拋汗拂根粟突膚何當縮地法遁入水晶壺
燄摩天未到烟瘴地猶輕犬舌喘長吐鳥吭噤不鳴劈
瓜童競奮揮扇僕頻更忽念夏畦苦頓教心太平

王仲瞿孝廉見過

樂事偶相值非關步履尋良朋來不意好句出無心便
覺煩襟豁能消俗累侵黠奴知欵客早備一壺斟

老鈍

老鈍人皆棄孤行我自尊門庭無過客城市亦荒村緩
步但三徑小詩多五言草花栽滿地聊復當名園

一室

一室澹無事寂寥性所耽丹砂祛姹女

白香山燒丹詩
姹女隨烟飛

黃面

證瞿曇落想到非想常談見不談惟將本來質受和保

初甘

曉起

寒深夢易醒。曉起步莎廳。屋瓦霜千片。爐灰火一星。暖胸浮大白。療眼點空青。只苦閒難耐。明窗晝治經。

閩粵間有所謂天地會者。為匪徒結黨名目。余客

閩時。已聞之日久。益熾。今閱邸抄。廣東博羅縣

會匪之在羊糞山者。不下萬人。據險結寨。將為

不軌。總督吉公慶提督孫公全謀調兵勦殺。追

至羅浮山之華首臺。冲虛觀。諸處生獲賊首陳

爛。屐餘黨亦盡殲。洵奇功也。喜賦

是我曾遊處。天南好澗阿。

余官粵時曾遊羅浮

誰知仙佛地。竟作犬

羊窩。幸未蔓延出。欣聞草薶多。梅花村在否。知剩幾殘

柯

憶昨荆巫亂。初猶易撲蚊。只因堅壁守。遂使燎原焚。縱有全收局。何如早奏勳。偉茲功拙速。省得歲調軍。

六兼風氣

靜裏觀風氣。遷流有疾徐。何當人滿後。迴憶我生初。物價市三倍。人情鬼一車。城多新樣髻。窖有不時蔬。崑曲更絃索。京靴走里墟。戲場千步塢。神會八棚輿。賣菜傭求盆。牧豬奴善擣。飲坊喧夜肆。遊舫泛春渠。翡翠鑲花鈿。玻璃嵌綺疏。厨羹寤雉兔。燈事舞龍魚。馬妓覓猶弔。

鹿北詩抄

五言律二

辰

雛姬髮始梳但貪嬉燕雀曾未識犂鋤身計傾卮漏時
趨竭澤漁官箴嚴篋篋吏竄橫苞苴白望興無賴朱提
妬有餘甘鈴強好劫汶芋富愁狙俗已囂難靖憂將溺
載胥不知從此後流極更何如

送邑侯高松亭調任宿遷

六載循良績賢聲浹萬家猷為兼有守惻愍更無華民
已相安久君無別望賒如何留不住忽駕北轅車
徐泗殷繁地端資治行高官應從此貴心又一番勞郵
傳連三省漕渠過萬艘精強原素慣游刃亦堪豪

河決封邱岸鄉邦險剝膚地纔離咫尺家不損鎔銖今秋

河決封邱君家
纔三祖全家無恙昏墊災寧擇神明理不誣部民聞喜信比

戶總歡呼

名已封章奏知難借寇恂去思今始見公論久逾真民
擬祠樂社君猶念趙人相期遷五馬重布晉陵春

季女出嫁

恰了向平願應償五嶽緣只憐婚嫁畢已近耄期年力
怯登山屐費慳掛杖錢惟應仿宗炳畫壁看山川

山茶花開卽事

節正改新火火珠駢故柯滿城一樹獨老幹百年多
奪燒丹赤光增醉酒醅倚闌相映發不用障紅羅

草草具盤格美名。援戒奢也。知晶毳飯不稱曼陀花無。酒望鄰富。味辛自携佳釀就飲有花貪客誇。後期還預訂。已苗牡丹

芽

借葉保堂秀才遊楊舍城外顧氏廢園

平壤無山水。為園仗樹多。喜茲三畝地。竟有百年柯。矮柏臂旁攬高藤。尾倒拖。稍芟蕪穢去。亦足寄清哦。

桐山齋中杜鵑花二十餘盆皆貴種每開時必治

精饌召客今歲又邀同諸公讌賞即席賦謝并

索諸公賡和以張之

開應鵲啼候幾疑血染濃種殊。山躑躅色壓木夫容。移

豈鶴林幻蟠為雁增重。旁枝盤曲作三四層似塔主人真好事。歲費酒千

鍾

共入三三徑來看。七七花顛驚丹竈。火欲賦赤城霞。況有牛心炙兼烹雀舌芽。奇葩與精饌使我醉忘家。

春遊

春好惟三月。追歡要及時。花繁紅鞞鞞。天淨碧琉璃。尙少流觴會。何嫌步履遲。路旁人暗笑。此老又尋詩。

送人赴黔

因君遠赴黔。歷歷憶郵程。地有萬山險。天無三日晴。趁墟嘗酒擔。跳月竹枝聲。都是奇聞見。應供琢句成。

夜泛

峭涼貪夜泛坐久露華凝涼退秧皆補塍翻芋已登畦
如助街鼓犬不吠船燈何必深宵寐原無事夙興

外孫金臯京闈發解喜賦

喜聽星郵報賢書捷鹿鳴怡成吾宅相早決汝科名臯

冠有才余決其
遺到妻以孫女

辛苦三條燭飛騰萬里程渭陽推自出亦覺

有餘榮

鄉科年似我發解亦京闈

余年二十四舉京
兆試臯年籍俱同

敢謝傳衣付須

乘破竹機遠書烏鵲喜暖浪鯉魚飛一第應連掇期登

鰲頂歸

余廷試卷進呈第一後改第三大
魁危失心常歉然故以此望之

麥大熟

麥稔今年最香雲萬頃黃其驚盈尺穗已抵半年糧市
餅邊增潤麩禾價減昂瑩中誇飽食竟欲傲朝堂

驟雨

驟雨不成寸狂飈又掃空未蠲消渴病差有解煩功
隱暫停癢眼昏忽豁蒙那堪簷溜乍復見晚霞紅

咏物四首

蓮蓬人

出水亭亭立形容老更奇高同三友品松竹梅豔改六郎姿
蓮步寧初學荷衣本舊披得邀君子愛儕輩故難隨

鯀魚鶴

強合飛潛性能令臭腐神姓。丁非故我去乙是前身。不藉胎生幻居然羽化真。出波纔幾日便欲唳青旻。

掃晴娘

佳人執箕帚勝挽魯陽戈。豈比曝巫女檀弓真成乾。嬾婆

舊唐書掃寧先灑水步亦戒凌波。何用紫姑卜明朝霽景多。

不倒翁

但稍煩人力登盤便有神。場中胡旋舞陌上踏搖身。糊紙頑何厚封泥足未伸。掉頭渾不止絕似醉吟人。

又鯀魚鶴一首

海濶天空境升沉倏兩分。腥聞雖鮑肆骨鯁肯雞羣。似蛻蟬餐露非池鯉躍雲漫疑為跼水浪泊去求勲。

雨望

一雨人心定霖甘不厭多。遠難辨牛馬沛若決江河。已遍高低地寧分早晚禾。天財千百萬盡散作恩波。

謨覽二孫俱就塾識字喜賦

又見童孫兩相攜就塾師。文須先識字昌黎語老正藉含飴。莫悞陳山可休訛杜十姨。方名雖小學九仞此初基。

正屆插秧經旬無雨夜寐忽聞淅瀝聲以為甘澍

也起視仍月色滿庭感賦

四更聞浙瀝夢醒適然驚百物有生意多時無此聲豈知膚寸合仍是耳勞鳴急起開窗看依然皎月明

喜雨

膏雨來何暮民情望欲窮苗枯猶待救河斷漸能通破夢驚簷溜開屠沸市訂可憐農已憊力盡桔槔中潤難期沃若暎暫解焚如田吠猶無蛤廚烹漸有魚頗聞官糶賤敢望佃租輸胼胝民勞久聊堪歇踏車

閱三國志蜀向朗仕諸葛丞相長史免官後優游又無事垂三十年潛心典籍年踰八十猶手自校

刊開門接賓誘納後進但講古義不干時事人皆重之余出處踪跡頗似之所不及者官職聲名耳昔東坡慕香山謂生平似其為人故詩中屢及之然晚途尙有不同者不如余之與巨遠無一不相肖也爰作詩以誌景附之意

望古尋同伴私心孰比倫子雲期後世向朗是前身時已千年隔踪如一轍循葫蘆依樣畫尙恐未傳真

卽目

百草皆蕃廡緣知暑已深荷花高出岸葵葉蔚成林向日葵廿株皆高二丈徐閒處驗生趣靜中生道心向來嫌理學此亦舞雩

吟

俊兒隨侍久詩學日進喜賦

客邸相隨久詩功喜日新老年無樂事家學有傳人何必金籬富惟愁腹笥貧滿門紈袴習吾更與誰親

近日作詩多用金玉字書以一笑

玉白金黃色非真亦壯觀老方嚴戒得窮僅免號寒漫拾殘牙慧爭啖至寶丹貧兒殊淺露富貴在毫端

詩壽

耄齒尊鄉黨虛名主玷壇苦吟三折臂強飯一加餐世要詩何用人惟壽最難有詩兼有壽敢復歎衰殘

活計

活計銖銖積堪資一笑吟死何妨速朽生不食嗟來北

海文為富

侯騎錄李邕碑八百

東坡儉養財

清波雜志東坡食不重肉云惜費以養財

如今亦

遑恤且醉眼前杯

豈亦秋分後天氣已涼忽復大熱

秋冷復驚暑渾疑節候差幾如回馬箭仍障辟蚊紗白

落荷無瓣黃蒸菊有華笑同新米價已賤又增加

近日事

喜晴

累月春寒重陽和今乍回藥苗

芍藥

偷眼長珠藥

寶珠山茶

嘔心

開一氣同噴薄天工不剪裁靜觀多妙理小憩步蒼苔

五月望後正在插秧大雨連日夜不止喜賦
天似防人憾栽秧雨遍濡聾猶聞潑刺耗益視糊塗表
廣逾千里新陳接二醋老農勞亦喜今歲又多稔

憎蚊

豈不愛他命其如嗜我膚嘴微偏善刺聲隱更能呼物
理有相殺王鉄所未誅化魚身喂衆吾不學浮屠如來身
化磨竭

魚以肉喂衆人
見洛陽伽藍記

目暗

作文須識字昌黎詩老眼欠精明尚擬攤書課幾同潑墨成
之無非姆教香山生七月
識之無二字何況豈人名鄭以偉入閣票旨以何況
二字多入見明史本傳

拚得雙眸耗糊塗過此生

高年

共說高年好高年敢自尊與誰談舊事舉世厭陳人詩
已寒蟬噪心猶尺獲伸桑榆留暮景珍此歲寒身

宵行

旅跡孤無伴宵行限有程嘯聲何處鬼村影尚非城足
倦屢嫌重衣寒翻覺輕何當一甌粥燈火候深更



早稲田大学図書館

011888007778